



6

19-a

12



Ex Bibliotheca
majori Coll. Rom.
Societ. Jesu

~~22-g-22~~

6-19-a-12





Illustrissimo & Reuerendissimo Domino

F A V S T O
C A F F A R E L L O

Sanctæ Seuerinæ Archiepisco-
po, olim Apostolico Taurini
Nuncio, *Bibl. Sec. Coll. Rom. Sec. Vatic.*

A V C T O R



ECCESSERIS licet in extremam Italiam,
AMPLISSIME PRÆSVL, adhuc ta-
men mole meritorum tuorum occupas
totam. Mihi sanè in tanta locorum di-
stantia præsentissimus es, adeò vt propior
mihi nullus occurrat cui libelli huius pa-
trócinium fidam. FAVSTI præfixione nominis auertere stu-
deo ab opere parum felici, quidquid illi minus faustum im-
mineat. Hanc me prudentiam Patria tua docuit, in eo olim
religiosissima, vt qui militum scriberetur Primicerius, non
pisi faustum quidpiam fortunatumque sonaret. Noui ego

*

miracula auctoritatis tuæ, vidi quæ calamitosissimi vitia temporis in illius virtute correxeris, dum iam nullis defenderentibus Italiam Alpibus, ad earum radices te nouum pro ea murum opponeres, & bellorum incendia preciosissimo sudorum imbre restingueres. Nullâ re magis quàm nimiam agri sui felicitate misera Regio, vix alio piaculo, quàm quia alere bella potest bellis damnata, in Principum suorum absentia te potissimum habuit infelicissimæ solatium orbitatis. Tuis illa itineribus stetit: quoties abiisses, credebaris in exilium bella deducere; quoties rediisses, in curru tuo pacem reuere. **AVGVSTISSIMÆ DOMVS**, nec vnquam sine Christiani orbis periculo ruituræ, incolumitati consultum magis volens quàm tuæ; non tam ab **VRBANO** quàm à Deo statutus **FECIALIS** omnia Martis discrimina **MERCVRIVS** pertulisti. Dilatasti spatia charitatis obsessus; quæ ferrunt peccarat in miseros medicatus es auro tuo; vnde **TAVRINENSIVM PATER** audire potueris, quorum commodis tua non solum impenderes, sed te ipsum. Expectat gratissima Ciuitas non minori impatientia honorum tuorum incrementa, ac suorum decrementa malorum; anhelat colligere messem illius seminis, quod ita **FAVSTVS** iecit **AGRICOLA**, nec felicitatem mereri se putat, quoties eam ita debere velit aliis, vt non & tibi. An non igitur tueri sola nominis illius vmbra libellum potes, quo tot prohibere potuisti incendia vrbium, tot obstruere profluvia calamitatum? Plenam hanc venerationis iniuriam irrogare multo antè volueram modestiæ tuæ; at quia ipsa etiam virtus est, vt illi hætenus obsequutus tacendo sum; ita nunc iterum obsequor à maioribus encomiis abstinendo. Taurino, anno Domini, M, DC, XXXX.



LECTORI BENEVOLO AUCTOR.



MIraberis, Lector, quod consecratum Christi Iesu Elogiis calammum, minoribus argumentis potuerim profanare. Suasores tamen habeo nouæ huius temeritatis, fiduciam primùm tolerantiae tuæ, mox & æquitatem excusationis meæ. Miscellanea hæc diuerso admodum concepta cœlo, Taurinensi, Mediolanensi, Genuensi, sicuti non vno omnia puerperio enixa mens est, ita non vnam omnia fortunam hauserunt. Imprescère se cœtibus suis variæ scribentis ætates, acumine alia placere voluissent, alia grauitate prodesse. Quia tamen omnia suam lucem iam viderant, & quædam nultorum terebantur manibus ita mendosa, vt me demtidem puderet erroris plerumque non mei; pares meas duxi, non tam dare, quæ iam negare non

possem, quàm corrigere quæ dedissem. Cæterum
 quid hæc sint, vbi legeris scies. Inscriptiones tamen
 si quæris, quales illæ sunt Antiquorum, pressæ, niti-
 dæ, trophæis, templis, & sepulcris affixæ, Barnabam
 Brissonium, & alios consule. Scripsi ego in eo quo-
 que genere plurimas, quas non exhibeo, contentus
 eas edere, quæ magis nostrorum temporum ingenio
 seruiunt, quàm memoriæ posterorum. Condone
 igitur certæ necessitati, quod inconsultæ temeritati
 dederas erimen, & qui minus potes benefico plau-
 dere, parce beneuolo.





INSCRIPTIONVM INDEX.



NSCRIPTIO statuae Christophoro Columbo Liguri erigendae.

Inscriptio Arcus triumphalis erecti à Nouocomensibus Ferdinando Austriaco S. R. E. Cardinali, ex Italia in Belgium discedenti.

Inscriptio ad fores templi Corporis Christi, quo die Taurinensium pietas innouaret memoriam singularis prodigij, quod inibi in Eucharistia olim acciderat anno 1453. die 6. Iuny.

Alia eodem loco, & die, anno sequenti exposita.

Inscriptio exposita eodem loco, & die, anno 1639. cum undequaque bella consurgerent.

Dedicatio sacelli S. Ioseph in eadem Vrbe, & Ecclesia.

Inscriptio posita in Arce Momiliani, inuictissimo Heroi Iafredo Bentio à Sautena, pro eadem ab hoste seruata.

Inscriptio ad Valuas templi Passionis cum illud primum inuiseret Ferdinandus Austriacus S. R. E. Cardinalis.

Inscriptio Pyra excitata Mediolani cum Eminentissimus Caesar Montius ex Legato in Hispania renunciatus est S. R. E. Cardinalis.

Alia inscriptio occasione eiusdem Pyra.

Inscriptio Arcus triumphalis cum Mediolanum Archiepiscopus ingrederetur Cardinalis idem.

Inscriptio ad fores templi Iani excitati à Christiana Francica, Ducissa Sabaudia, cum gratulata Ludouico Fratri Delphinum filium, festos Taurinensibus ludos daret.

Alia 9. Inscriptiones eadem occasione.

Inscriptiones 6. funebres in Margarita Carreta funere.

Inscriptio Via ante palatium Io. Baptista Spinula in Vico S. Petri de Arena.

Alia de eodem argumento.

Inscriptio imaginis Augustini Mascardi in charta expressa.

*Inscriptiones 24. in funere Victoris Amedei Sabaudia Ducis, ad
Valuas templi. & in templo ipso.*

*Inscriptiones 17. quibus singularia eiusdem Principis facinora
commendantur.*

*Inscriptiones & Elogia varia ad tumulum S. Ioannis Baptiste:
quibus uniuersa eius vita explicatur.*



ELOGIORVM INDEX.



*IGVSTICÆ Magnificentia in nouo aquaductu miracula
Felicissima Genuensium Reipublica pro noua mari opposita
mole, Eucharisticon.*

Ferale tripudium Ligustici Maris in die Paschatis. 1640.

*Aloysio Albriccio Christiano Demostheni obiurgatio Encomiastica.
Presagia Iridis admiranda eo ipso die, & loco, imo & hâra, circa
Eucharistiam spectata.*

Taurinensibus pro hac ipsa Iride Eucharisticon.

*Lucubratisimi operis Raphaëlis à Turre Genuensis Patritij, ad
Lectorem censura.*

Celeberrimi Mediolanensium Limocomij Inscriptio.

*Domino Valeriano Castillioneo pro noua D. Benedicti Historia Eu-
tharisticon.*

*Superbia paupertatis in augustissimo Mediolanensium Nosocomio.
Insulata Virtutes, hoc est, celebriorum Græca & Latina Ecclesiæ
Episcoporum Elogia.*

Augustini Hipponensis Elogium.

Ambrosij Mediolanensis.

Paulini Nolani.

Cypriani Carthaginiensis.

Hilarij Piccaviensis.

Martini Turonensis.

Remigij Remensis.

Ensebij Vercellensis.

Thomæ Cantuariensis.

Caroli Mediolanensis.

Donati Aretini.

Apollinaris Rauennatis.

Maximi Taurinensis.

Anselmi Cantuariensis.

Maurilij Andegauensis.

Fulgentij Ruspenfis.

Aloysij Tolosani.

Athanasij Alexandrini.
Ioannis Chrysostomi.
Gregorii Thaumaturgi.
Basilij Magni.
Gregorij Nazianzeni.
Dionysij Areopagita.
Clementis Ancyran.
Blasij Sebasteusis.
Ioannis Eleemosynarij.
Ignatij Antiocheni.
Petri Alexandrini.
Polycarpi Smyrnenfis.
Epiphani Constantiensis.



EPITAPHIORVM INDEX.



XCELLENTISSIMI Herois Ioannis Tocraſij Gallie Mareſcalchi Epitaphium.

Indictio funeris eiusdem Herois.

Margarita Carretta Maſſerani Principiſſa, Epitaphium.

Iafedi Bentij à Santena Epitaphium.

Eminentiffimi Principis Ludouici Cardinalis de la Valleta, Epit.

Mercurini Alphonſi Marchionis Caſtinaria, Epit.

Illuſtriſſima Anna Bentia Lumelli Comiſſa, Epit.

Novocomenſium Ciuum quos ſeda lues anni. 1629. peremit Tumulus.

Comitis Nicolai Sammartini Epitaphium.

Sereniſſimo Genuenſium Duci Ioanni Auguſtino Marino Parentalia

Excellentiſſimi Principis Io. Andrea Auria, Andrea Filij Epitaph.

Clariſſimi Viri Anſaldi Ceba, Epitaphium.

Victoris Amedei Inuiſtiſſimi Principis, Epitaphium.



INSCRIPTIO STATVÆ
CHRISTOPHORO COLVMBO
LIGVRI ERIGENDÆ.



V D E, Liguria, exterorum Aquilis
Tuos Columbos præferre.
Is ego sum, qui vni natus Orbi,
Duobus ereptus,
Vtrumque lustrare audis, illustrare capax,
Mare omne, Ligusticum feci.
Pluris mercatus occasionem periculi,
Quàm alij securitatem;
Æquè fortis toleratis,
Ac fortunatus inuentis,
Augendo Naturam, Artem probaui.
Sed Columbis terras detegere
Consuetudo iam est, non fortuna.
Mersas olim diluuiò
Prima Columba quæsiuit,
Clausas Oceano primus Columbus inuenit.
Fauete Liguri, Ligures,
Nec timete Auaritiæ probrum,
Qui pro Nauibus Orbes datis.



LIGUSTICÆ MAGNIFICENTIÆ
in Novo Aqua-ductu Miracula.

A R c v s, quos hîc vides, Viator,
 Triumphales & ipsi sunt,
 Difficultate multiplici superata.
 Habet vel ipsa pax Genuensium
 Trophæa sua.
 Vbi, qui vincerentur hostes defuerunt,
 Artis suppetiis victa est
 Maligni Soli Natura.
 Quid non posse Ligurem putem,
 Quando ita potest elementa transferre?
 Catenatos Montes Nexu mansuro
 Felicitatis suæ baiulos efficit,
 Et triumphanti per aquas industriæ
 Rebelles humeros commodare compellit.
 Redundant Scatebræ,
 Vbi nullæ nascuntur:
 Et oblitæ barbariem originis suæ,
 De Rusticanis Urbanæ,
 In omnem modestiam mansuescunt.
 Nobilitati latices,
 Qui & in valle serpere prohibentur,
 Et elati in sublimiorem fortunam,
 Tali, ac tantâ Ciuitate donantur,
 Similitudinem quamdam tumoris
 Ipsa incessus Maiestate mentiuntur.
 Quidni nutrietur laboris amor in Ligure,
 Si assiduus Conuiuia Temperantiæ
 Mixtos Rupium sudoribus suos bibit?
 Bellorum incendiis
 Recoccta Genua vt est, non absumpta,
 Non fabuloso Medæ,

Sed industriæ suæ vero miraculo

Felicem in infantiam retroacta,

Patribus suis Matrum curas iniecit,

Dum ab iis, & ampliora exegit in aquis vbera,

Et fascias in mœnibus laxiores.

Sed nimirum

Gloriosa semper in aquis Liguria est,

Seu à nullo lustratas inueniat,

Seu ab aliquo malè occupatas percurrat,

Seu procellosas arceat,

Seu remotas adducat.

Vbique inimmemori Elemento

Famam suam stylo perennitatis inscribit.





FELICISSIMÆ GENVENSIVM

*Reipublicæ pro Noua Marti opposita Mole
Eucharisticon.*

Næ tu superba planè, Genua es,
Quæ famulare iugum
Domitis etiam elementis imponis!
Flagellato toties Nereo, nec correcto,
Iniecisti tu tandem compedes,
Quas illi frustra olim minatus est Xerxes.
Nimirum decuit Maris Dominam fieri,
Quæ se Mariæ Seruam fecisset.
Vndequaque inaccessa
Cui inimico iam pateas,
Si, nè infesto quidem, iam peruia Vento es?
Europam vniuersam depascentibus bellis,
Accreuit in te Pacis Amor.
Seditiones puniebas olim in Ciuibus,
Nunc videre, ne quidem suffers in fluctibus.
Clausæ Tumidis Ianua es:
Iam non nisi pacatis pares.
Procax Elementum ad modestiam erudis,
Illi libertatem iungis, vt augeas tibi.
Pudorem non putet oppositis lapidibus cedere,
Vbi toties cedebat antè Cineribus.
Ligusticæ Sagacitatis Miraculo
A noxiis curatum spiritibus
Energumenum iam mare non est.
Tantæ Magnificentia Molis
Stuporem non aduenis solùm hominibus
Sed & Vndis iniecit.
Oblitæ innatam vesaniam.
Mutæ propemodum, immortæque iam torpent.
Quid tamen stupidis mireris in fluctibus

Inimici

Inimici reuerentiam operis?

Inest illis aliqua cum Auctore cognatio,

Quia ipse etiam à M A R I est.

Novas insulas Ligur Columbus inuenerit,

Tu, Ansalde, felicior, qui fecisti.

Fortunæ esse potuit

Quæ iam erant, detegere;

Solius Virtutis est,

Quæ omnino non erant, creare.

PALLAVICINOS

Statim ac Regio vidit in Solio

Hanc Regno suo perniciem

Neptunus exhorruit.

Notauit eorum in stemmate

Cæruleum non vno dente morderi,

Et se in imagine sua

Quibusdam quasi rastris inclusum

Iam captiuum teneri.

Quid quod sub Augusto altero

Palladi non tam Vicino, quàm Intimo,

Æmulam Romæ Urbem

Nihil posse concipere credidit non Augustum?

Et sterile quis adhuc dixerit solum,

In quo Ingenia tam fecunda nascuntur?

Elegantia Ligurum

Nihil in compositum tolerat,

Ne Mare quidem.

Æqualitatis Amici

Eam vel in Vndis finitimis perennem volunt.

Caue quidquam Moli opponas, Viator,

Cui vim non habuit,

Quam opponeret Mare.

FERALE TRIPVDIVM LIGVSTICI

Maris in die Paschatie,

Anni Domini M. DC. XXXX.



Incendium Italiz Natura presentiens,
Supersuso prohibere illud quodammodo
Studet freto.

Amabile Consilium, sed inane.

Malè medicamur aquis ardores

Solo Sanguine restinguendos.

Et speremus tranquillos in terris dies,

Quando ne Dies quidem, quam fecit Dominus,
Procellis vacat?

Vah! quali Catechumeno

Recens decoratum est Pascha!

Ac si aggregari Fidelibus infidelitas posset,

Candicavit nobiscum in Albis spumeum Mare,

Et Christo renascentium habitu

Innatam truculentiam tegens,

Iustissimam gaudij occasionem

Choreis culpabilibus impiauit.

Moriturz Pelago libertatis

Supremi conatus hi sunt.

Condonate breuem hanc petulantiam,

GENVENSES:

Oblectatur fræno generosum Elementum,

Et maiorem vi sua sentiens

Industriam Vestram,

Quod non sperat excutere,

Gaudet concutere.

Indulgete impotentibus vndis

Hanc vltimam voluptatem,

Vt Bacchanali licentiâ Aream verrant,

Aqua se breui æternum prævident

Prohibendas.

- Onerandum se Classibus
 Præsentiens Nereus bonus Augur,
 Odioso Ministerio velit terga subtrahere.
 Cælum cogitans, Nouus Gigas,
 Eò liquidis se totum torquet in montibus.
 Nimirum quibus diebus
 Patuisse Latroni audiit,
 Patere posse sperauit & sibi.
 Pro Concionatoribus silentium meditantibus
 Concionabundum Mare perorat.
 Mugit in desides
 Tubam nouissimam expectantes, vr surgant;
 Et id ipsum vrgens exemplo,
 Quod alij ante omnia Verbo probauerant,
 Docet,
 Vesaniorem pelago esse,
 Quem obiecti Cineres non componant.





AL OYSIO ALBRICCIO

*Christiano Demostheni Obiurgatio
Encomiastica.*



I laudes modestia respuit,
Tolerantia querelas admittat.
Quod in nullo accusari valeas, Reus es.
Auocas ab optimis animos,
Quando exhibes meliora.
Mortuo Tullio aures obstruimus,
Ex quo cœpimus rediuuium audire.
Cuius excitasti memoriam,
Gloriam extinxisti.
Vt habuerit Latium, qui displicerent in paucis,
Qui placeret in omnibus
Solam debuit Matrem habere Placentiam.
Illustrasti Rhetores Rhetor
Ita tamen vt Mendaces effeceris,
Dum Oratorem exprimi posse docuisti,
Qualem defenderant vix posse describi.
Cum sine Crimine dicas,
Te nemo nostrum sine erimine audiat,
Vtpote qui cogamur illico
Vel desperando, vel inuidendo peccare.
Pascendis auribus natus es:
Dubium tamen an earum magis actuas,
An mitiges famem,
Cum eas nunquam sine tui fame dimittas.
Quo diutius dixeris,
Eo magis cogimur timere ne desinas.
Id vnum non amamus in te,
Sine quo vix quidquam amamus in cæteris,
Parsimoniam Orationis.
Auditores tuos dicendo beaueras,

Quoties suauitati adderetur æternitas.

In oculos, caput, ac manus,

Transulisti ex ore facundiam:

Cum in te digiti,

Non secus ac lingua

Loquantur,

Vocalia in te omnia,

Etiã cum tacueris, mutus esse non potes.

Cum omnia neueris mordere non nosti,

Stupente Mundo

Quòd adhuc dentibus careat

Tam adulta, tam robusta facundia.

Innoxius tamen læxisti cæteros,

Qui semel auditis eos feceris fastidiri:

Adde quod tibi etiã noxius es:

Cum te iam perfectissimum crederemus,

Quod adhuc perfici posses,

Ideo didicimus,

Quia tu, te ipso melior, docuisti.

Placuisti omnibus senior,

Quod prodesse;

Profuisti iunior, quod placere;

Inuidis etiã placere potueras,

Si potuisses in aliquo displicere.

Minarum horrorem

Ita confudisti deliciis,

Vt magis à te argui,

Quàm laudari à cæteris peroptemus.

Quod degere cogamur Infantes,

Crimen tuum est,

Qui ita totam exhaustis Eloquentiam

Vt extra te nulla supersit.

Obiurgare tamen maluimus, quàm laudare,

Cùm ab eo vno laudari pro meritis possis,

A quo vno non debeas.



*INSCRIPTIO ARCUS TRIUMPHALIS
erecti à Nouocomensibus*

FERDINANDO AVSTRIACO S. R. E. CARDINALI
ex Italia in Belgium discedenti.

FLABERE Nouocomensium oculis Ferdinande,
Quorum pridem in animos descendisti.

His etiam è vallibus

Maiestatem tuam Eminere par est.

Læritia Nostra argui

Non ex effectû debeat, sed ex causâ.

Ex eodem nobis fonte

Et crescunt gaudia, & decrescunt.

Nos minus exhilaras veniens,

Quia iam exanimas discessurus.

Extremam hîc Italiam aspicias

Quæ tibi tota trophæum est.

Vtinam absentia: tuæ damna non sentiat,

Quæ tor haufit à præsentia commoda.

Sed, quæ tua felicitas est,

Dare suam Belgio potes

Absque eo quod à nobis repetas, quam dedisti.

Tuis igitur deuota meritis, secura victoriis,

Hoc sibi, & tibi impar obsequium,

Vno corde, multiplice nomine

Nouocomensium Ciuitas

Posuit.

INSCRIPTIO AD FORES

*Templi Corporis Christi, Quo die Taurinensium
pietas innouaret Memoriam singularis Prodigij,
quod inibi in Eucharistia olim acciderat, Anno
1453. Die 6. Iuny.*

OCCVRRITE Magno Hospiti, Ciues,
Apud vos iterum Christus est.
Ex aëre in Aram descendit.
Non antiquate beneficium,
Quod quia æternum est
Semper est nouum.

Alia eodem loco, 8 die Anno sequenti exposita.

IAM non apud vos hospes est Christus,
Ius Ciuitatis
Gemino acquisiuit in sæculo.
Vocatus aderit,
Qui nec accitus accurrit.
Princeps Pacis populares suos
Inter arma non deseret.
Bellum odit raptus à milite.
Tueri ille vos potest,
Quia Deus:
Vult, quia Ciuis.





PRÆSAGIA IRIDIS ADMIRANDÆ

*eo ipso die , & loco , imò & hora , circa
Eucharistiam spectata.*



Ris hæc, Taurinenses,
Iam non Iunonis Nuncia,
Sed veri Iouis,
Admirationis rectius mater,quàm filia,
Quamcunque causam habuerit,
Erupit è pluuiâ Gratiarum.
Obruerit hætenus tetram
Diluuium Sanguinis,
Inermis Arcus hic
Nec Phœtræas viduat , nec iaculatur sagittas.
Quo erumpente olim cessarunt aquæ,
Cessabunt & lacrymæ.
Hyacinthus vester
Quidni vobis halet suauius,
Si fabula non est
Fragrantiores esse flores telluris,
In quam Iris incubuit?
Sensit bibax Arcus lacrymas vestras,
Ad quas hauriendas descendit.
Auguria falsa non sunt,
Quæ ducuntur à visceribus Dei.
Pluet herclè quamprimùm;
Sed de vapore fletuum
Pluuiâ Gaudiorum.



TAVRINENSIBVS

pro hac ipsa Iride

Eucharisticon.

Exaltationem Solis

In Ariete fingat Astrologus,

Eam nos hactenus experimur in Tauro.

Omnia illi esse in hoc Signo gaudia,

Iam non vno cognitum signo.

Deum Ioannes si vidit,

Vidistis & vos,

Vt olim candidatum in Nube,

Ira nunc laureatum in Iride.

Arcum Vestrum Tellus quæcumque formidet,

Cælestis enim est.

Illum dum exerit Princeps Pacis,

Profligare Bella molitur.

Sperate vel de Cælo superpetias,

Quibus in signum fœderis Cælum nitet.

Profunda nulla vulnera,

Nisi quæ ex alto,

Vnde securi estis, proueniunt.

Vel non dissentiente Chaldæo

Detrimentum Martis in Tauro est.

Data de Cælo significatio Bellis,

Vt & ipsa fugiant à facie Arcus.



INSCRIPTIO EXPOSITA

*eadem loco, & die, anno 1639. cum undequaque
bella consurgerent.*

Abite procul hinc Bella;
Præoccupavit Urbem hanc Deus Pacis.
Fixit in ea tentorium suum,
Vnde odia, litesque profliget.
Adeste Ciues,
Et Pacem, quam non inuenitis in terra,
E Cælo quærite.



DEDICATIO SACELLI S. IOSEPH

in eadem Vrbe, & Ecclesia.

Civitas Taurinensis,
Eundem, dum moreretur, experta Patronum,
Quem Christus, dum viueret, Patrem,
Sopitâ Peste, Voti Rea,
Sacellum hoc posuit.



INSCRIPTIO POSITA IN ARCE

*Momiliani, Inuictissimo Heroi Iafredo Bentio
à Santena, pro eadem ab hoste ſeruata.*

ÆTERNAT hoc Marmor
Fidem illibatam, fortitudinem illæſam
D. Iafredi Bentij à Santena Pedemontani,
Qui ſub Victore Principe
Miles inuictus
Acrocorinthum Sabaudix
Dignus Rege oppugnatore Propugnator
Defendit.
Ferro, Igne, Peſte,
Ac demum Auro tentatus,
Victorem exercitum excepit infractus,
Reiecit illæſus.
Nec tempore, nec impetu fractus, edocuit
Principem ſuum
Momiliano quid firmitus habuiſſe.
Strenuus, qui Arcem vna cum fide
Defenderit:
Felix, qui fidem vna eum Arce
Seruarit.
Anno Domini M. DC. XXX.

INSCRIPTIO AD VALVAS
TEMPLI PASSIONIS,

*Cum illud primum inuiferet Ferdinandus
Austriacus S. R. E. Cardinalis.*

Quidquid hic videris, Ferdinande,
Nisi te ipsum videris,
Dolor, & Passio est.
Si quam inuenies materiam gaudiorum,
Intulisse te puta.
Linquere te ipsum non potes,
Ideo ubicumque fueris gaudia sunt.





INSCRIPTIO PYRÆ EXCITATÆ

*Mediolani, cum Eminentissimus Cæsar Montius
ex Legato in Hispania renunciatus est
S. R. E. Cardinalis.*

Supra Montem positam Urbem
Clarius iam micare par est.
Vicinum conicere diem liceat,
Quando in Occidente rubere Mons cœpit.
Regendo Mundo nati sunt Montes;
Atlante iam fatifcente
Montem alterum parat Hesperia,
Cui Mundum imponat.
Romam amplificauit Vrbanus,
Cum supra septem Montes
Eminere iussit Octauum.
Arciorum Aquilæ iam tuto in monte
Nidificant.
Cum iis plaudite, Cives;
Inde illarum lætitia,
Vnde vestra securitas.

ALIA INSCRIPTIO

Occasione eiusdem Pyra.

AD sublimia, Ciues;
 Votorum Nostrorum meta Mons est.
 Ut se Cælo finitimam faceret
 In Montem intumuit Nostra planicies.
 Animos ad fodinam parate;
 Aureus totus hic est,
 Nec his indiget ignibus, ut eliquetur.
 Infœcundus esse Mons nequeat,
 Apud quem Beneficia sua
 Deponit Urbanus.
 Sperate Diluuiio finem,
 Ex quo Arca Dei resedit in Monte.



*INSCRIPTIO ARCUS TRIUMPHALIS,
cū Mediolanum Archiepiscopus ingrederetur
idem Cardinalis.*

Assueuisti Victoriis, Cæsar,
Assuesce triumphis.
Et Cæsarem, & Priuatum esse non licet.
Ad primæ Romæ regimen
Per secundam Ascende.
Ad te sublimia quæque ferentur, vt crescant.
Eminentia titulus aliis,
Monti etiam natura est.
Si Virtuti præmia non respondeant,
Merentis gloriam crede,
Non tenacitatem debentis.
A te victa patria est;
Vel vni Ciuium honestando non sufficit.
Triumphat tamen adhuc illa tecum,
Imò de te,
Quæ modestiam tuam vicerit votis suis.
Ingredere igitur,
Et Insubriam tuam inde etiam felicem scias,
Quod iterum Cæsaris sedes est.

INSCRIPTIO ADFORESTEMPLIIANI

*excitati à Christiana Francica, Ducissa Sabaudia,
cùm gratulata Ludouico Fratri Delphinum Fi-
lium, festos Taurinensibus ludos daret.*

PAtuerint hætenus Iano fores;
Augustus alter exoritur,
Qui eas æternùm occludat.
Mars extinguendus
Hanc funeri suo Pyram accendit.
Ferte, Ciues,
De Cordis ardoribus rogo suppetias.
Eo sublato Astream è cælo ne poscite;
Iam habetis.



ALIAE INSCRIPTIONES
eadem occasione.

LVDOVICVM sine liberis
Haftenus Natura reliquerat,
Quod illos dare degeneres nollet,
Pares nisi serò non posset;
Princeps optimus
Multorum annorum iustus est labor:
Hinc in omnibus Henrici filius
Sera fecunditas.
Qui non pariunt, nisi æternùm victuros
Diu coguntur cogitare quos pariant.

Compone tandem fluctus, Europa;
Nouo Soli venerationem hanc debeas.
Quiescite Bombardarum tonitrua,
Quæ Delphinos
Plausu, & citharâ gaudentes fugatis.
Mutare illi si Maria solent,
In tuto sunt omnia.
Qui tempestatem indicerent in Malacia,
Malaciam in tempestate portendunt.

Vulcanus alibi fulminum,
Hic faber gaudiorum est.
Otiosum ne puta;
Catenas, quibus iterum Martem irretiat, cudit.
Ex quo Delphini vti ope iam potest,
Ex Venatore Piscator,
Martem ipsum sua sperat in retia
A Delphino trahendum.

Ludouici gaudia
 Vestra facite, Taurinenses.
 Non nisi Sabaudia bono
 Felix futura Gallia est.
 Irrigate flammarum pluuia
 Tantorum semina gaudiorum.
 Telluri dies inuideat nouum Solem,
 Nox noua sidera.
 Cælum Cometis obruite;
 Prædicabunt Regum Natalia,
 Nec prædicent exitia.


In Die Solis, in hora Veneris,
 Lucis, & Gratiarum fœtus erupit.
 Astrologum Coniectorem non terreat,
 Quod cum Sagittario natus sit;
 Magister Achillis
 Non nisi alterum Achillem reuexit.
 Pacis, & Iustitiæ Regnum
 Ominatur Horoscopus;
 In dignitatum enim domo,
 Vnà cum Sole, & Mercurio,
 Astream habet, & Libram.

Finitimus Aquilæ in Cælo Delphinus est;
 Inter se vtinam non opponerentur in terra.
 Primæ magnitudinis sidera
 Quamdiu non cohærent, diuidunt Mundum.
 Accedat igitur Ludouici miraculis,
 Vt tam diuersa conciliet.
 Accedat fœcunditati,
 Vt dici etiam debeat Pater Pacis.
 Meliorem dare Delphino suo Sororem
 Non potest.

Quicumque pacem nunciet,
 Christianam beer.
 Odit illa nimium bella,
 Quæ se Beneficam esse non sinant.
 Oleam amat, Minerua enim est.
 Nouum igitur de cælo Fecialem
 Delphinum,
 Fratris Regno, æquè ac suo gratulata,
 Has de Europæ incendio
 Superstites flammæ
 In lætitiæ argumentum accendit.

Morum suorum harmoniæ debeat Ludouicus,
 Quod Delphinum, Arion alter, attraxerit.
 Mundo Naufrago
 Idem xui Phalanto vector inuentus,
 Cuius ope liber emergat è fluctibus.
 Humanissimi Delphini
 Soli hominem in procella non deserunt.
 Quos verò alit Gallia,
 Ne minus humanos putes;
 Homines sunt.

September aliis fructuum,
 Galliæ, & Sabaudix
 Florum etiam mensis est.
 Habuit ab eo illa Lilia,
 Ista Hyacinthos.
 Veris huius fortunam
 Par vtinam sequatur Autumnus.
 Diuerso fato non desinant,
 Qui eodem propè cœperunt.
 Diu expectati
 Morarum hanc pœnam luant;
 Vt non nisi serò abeant,
 Qui maturius non venerunt.



LVCVBRATISSIMI OPERIS

*Raphaëlis à Turre Genuensis: Patritij
ad Lectorem Censura.*

TRita via non est, quam ingrederis;
 Raphaële tamen Duce,
 Quamcumque securus ingredi viam potes.
 Ducet ille te, & reducet incolumem,
 Et de exenteratæ Veritatis visceribus,
 Remedium eruet cæcitatis.
 Errorum excursionses quæ timeas
 Securus in Turri?
 Ire nisi per summa non possis,
 Tanta sublimitate fundatus.
 Solumne pura, quem sequeris;
 Mercurium, Apollinem, Palladem, secum trahit.
 In omni Sapientiæ promptuario
 Saginaturn ingenium
 Mille tibi subinde delicias
 Conuiuia non avarus apponet.
 Insulsum ab eo nihil expecta,
 Qui salem ipsum sua eruditione condiuit.
 Omnem cum eo Noctem ignores,
 Qui Serenissimo Ligurum Cælo
 Destinatur in Solem.
 Tibi itineris labor non pereat,
 Cuius experientia docere pleraque,
 Nec pauciora dedocere.
 Mens oculatissima in TVRRi eminens,
 Quidni ab aliis pleraque malè visa detexerit?
 Eguit hac noua specula Mundus,
 In qua toleratæ hæctenus profundum inscitæ
 Metiretur.

Vos

V o s in Spem portûs erigite,
 Qui dubio fluctuatis in Pelago Doctrinarum.
 Accendit sua D e v s in Turri lumina,
 Ad quæ qui dirigit iter suum,
 Alterius face non egeat Cynosurz.



CELEBERRIMI MEDIOLANENSIVM
Limocomij Inscriptio.

Q Vid exhorres locum, Viator,
Vbi tam multi sunt, quos amasti?
Ædificij huius
Sola tibi displicere occasio debeat.
Capitolium Mortis hoc est:
Agit illa huc currus suos,
Quoties debellatâ Populorum salute triumphat.
Nulla ex re magis
Secundæ Romæ Maiestatem intelligas,
Quàm quod in ea vel ipsa Pestis
Tam magnificè habitat.
Asceterium Parientiæ tot penè distinctum in Cellas,
Quor secatur annus in dies,
Nouam plerosque Philosophiam
Ineruditis hisce sub porticibus docuit.
Prædium Mortis eam illi sæpè
Protulit Messëm,
Vt æstatis vnus feracitate
Horrea sua omnia prorsus implevit.
Suos & Circus hic coronat Athletas.
Habet Caroli Virtus, & æmulos, & hæredes,
Qui ex bonis Palæstritis optimi milites,
Vel cum ineluctabili necessitate
Audeant hoc Campo certare.
Viden' vt ex omni facie miseris Deus patet?
Inter eos medius,
Ex vnde quaque aperto tentorio
In omnem Aræ ambitum eiacularur solatia.
Numerum Columnarum quid stupeas?
Ruentem spem vitæ
Ne tam multa quidem fulcra sustineant.

Aquarum

Aquarum scatebris totus vt ager redundet

Extinguendæ tamen iræ Dei,

Quam continet,

Tuis adhuc lacrymis opus habet.

Tactos igne de Cælo ne dubita,

Quos vides solos de se Cineres reliquisse.

Et adhuc proquidos nos venditemus mortales,

Qui Vallo, & Mœnibus conamur pestem includere,

Ac si non veniret ex alto.

Cæli vitia nemo benè correxerit,

Qui ea non cortexit in suis.



D. VALERIANO CASTILLIONE

pro Noua D. Benedicti Historia

Eucharistica.

Quam multa fecundissimi puerperia capitis!
 Nata semel de Iouis Cerebro Pallas,
 Renata sæpè de tuo,
 Magus Medea quacumque felicior,
 Æsones & tu recoquis in iuuentam,
 Exutosque prisca sæculi horrorem,
 Manuescere in Noui elegantiam cogis.
 Vel in miraculis memor tamen Naturæ
 Primam pietatem egeris in parentes,
 Secundam effulsurus in Principes.
A quo melius, quàm à filio accipiat Palingenesim Pater?
 Mutare Nomen iam possit,
 Ex quo non *Bene* solum, sed & optime dictus est.
 Spinas quas ante calcauerat, rosus inuolutus iam rideat,
 Et tui acuminibus ingenij, vepreæ sui aculeos consoletur.
 Venenasi bibit, bibas Ambrosiam,
 Quàm in Vrbe natus Ambrosij Nobilis pocillator propinat.
 Sitis cui non accendas Calice aureo,
 Tot vndeque nitoribus fulgurante?
 Cælum in paginas transtulisti:
 Nullum in eo m. cat nisi primæ magnitudinis fidus.
 Quæ tibi copia luminum est,
 Viam lacteam vel ipso exprimis atramento.
 Quæ tibi argumenti felicitas,
 Inuenit in stellis singulis plura signa
 Cuique superbiam factura Zodiaco.
 Casti Leonis non nisi laudatissimæ prædæ sunt.
 Solers in Cassino Venator Heroum in sylua baccharis,
 Et temporis ereptos dentibus in sinum æternitatis exonetas.
 Vni Valeriano laxauerit Cæcilia Cælum,
 Alteri oculatissima sapientia par beneficium mereatur.

SVPER

SUPERBIA PAUPERATIS
in augustissimo Mediolanensium Nosocomio.

Agnosce Viator Christum in Paupere,
 Et has non accusabis impensas.
 Sufficere Mendicis tugûria poterant,
 Christo hæc ipsa tanta Magnificientia par non est.
 Ægrorum suorum contubernalem Deum qui veller,
 Hac illum allicere studuit hospitij Maiestate.
 Quamquam, ut traheretur, sufficere poterat
 Domum hanc dicasse Mariæ.
 Sequitur & Noster Iupiter Cælum suum,
 Et ubi Mater præest,
 Ibi semper tam bono filio iucunda statio est.
 Nobilium titulus ex quo cœpit esse Paupertas,
 Haustis quos illi deponunt Spiritibus,
 Quacumque contenta domo non est.
 Viden' quale illa sibi posuerit Augustale,
 Ad cuius admirationem
 Vel è parietibus tam multi inspectores erumpunt?
 Odiosum tamen diuersorij sui nomen
 Ne hoc quidem tanto nitore condijuit.
 Pudet vel marmora quod huc venerint.
 Nec enim aliud lapidum horum omnium rubor,
 Quàm terræ nobilis erubescencia quædam.
 Academia miserorum,
 Quandoquidem nouam quotidie in frequentiam proficit,
 Schola hac eguit ampliore.
 Illam tamen quæcumque non concepit fortuna;
 Hæc quædam quasi Metropolis omnis pietatis,
 Auctorem non alium potuit habere
 Quàm Principem.
 Sumant à Viperarum adipe
 Morbi plerique remedium;
 Longè plures, Vicecomitum Anguib;
 Valeitudinem debent.

EXCELLENTISSIMI HEROIS

Ioannis Toërasij Gallie Marefcalchi

Epitaphium.

LVgete, Posterì, Mortuum,
 Quem vix credatis extitisse mortalem.
 Toërasius hic est,
 Ex Assertore euerfor hærescos,
 Sine quo, nec componi potuere bella,
 Nec geri.
 Ad Rupellam Rupellâ fortior,
 Ræam Insulam ita occupauit,
 Ac si nullus obûsteret,
 Ita defendit, ac si nullus impeteret.
 Cum ipsi propè omnia defecissent,
 Nulli ipse deficiens,
 Mutantibus Anglis
 Locum Certaminis, non fortunam,
 Suas impressit in omni elemento victorias.
 Dignitate auctus à Rege,
 Præconiis à Pontifice,
 Ab iis ipsius, quibus perniciem intulisset
 Laudes extorsit.
 Gallie utilis, Italie necessarius,
 Par oppugnatoribus Propugnator Casali datus,
 Vna in arce multas defendit.
 Constitutus Arbiter pacis,
 Qui fuerat antè bellorum,
 Docuit non minori se peritia,
 Homine tractasse, quàm Arma.
 Auro non deterius, quàm ferro vsus,
 Illud miseris, hoc proteruis impendens,
 Nescias an plures seruarit Beneficus,
 An mactarit Iratus.

Sed


Sed noua sibi ab Inuidis
 Excitans bella dum vinceret,
 Nusquam sciens tutiorem Innocentiam,
 Quàm Victoris in Regno,
 Illuc accurrit, vbi Virtutis suæ
 Et Testes habere poterat, & Patronos.
 Romam profectus,
 Vt in eo vno
 Suos Duces omnes Roma reuiferet,
 Quod ita timeretur ab exteris
 Amatus ab Italis,
 Regiæ, & Gratæ redditus & Militiæ,
 Magis memor muneris, quàm periculi,
 Auream Animam
 Plumbea admissa glande corrumpit.
 Vir verè Magnus,
 In quo sola puniri Magnanimitas potuit.
 Illi condonanda fiducia,
 Quam non temeritas,
 Sed Victoriarum vsus effecerat.
 Ne metuite Toërasij fata, Mortales,
 Si Virtutes habetis.
 Præclara Vita
 Omnem honestare obitum potest.

INDICTIO FVNERIS

Eiusdem Herois.

Reuifite Toëraſium Ciues:
 Pugnae periit ille, non Gloriz.
 Eius nihil miſerandum in Morte,
 Cuius in Vita inuidenda ſunt omnia.
 Flente tamen Principe,
 Sine lacrymis Priuatos eſſe non deet.
 Quas gratuitas dedit ipſa Serenitas,
 Vos debetis.





MARGARITÆ CARRETTÆ

Masserani Principis Coniugi

Epitaphium.

ATtende, Viator,
 Quo Margaritas Ostreo Mors includat.
 Quærit & ipsa pretiosas;
 Auara enim est.
 Vnâ inuentâ tripudians,
 Emere quam non poterat, rapuit;
 Furti conscius lapis hic,
 Qui Philiberri Carretti,
 Et Violantis Prouanzæ filiam
 Hieronymam Margaritam
 Ereptam tempori, Æternitati custodit.
 Masculæ mentis Heroïna,
 Quia Naturam dum nasceretur exhausserat,
 Fratrem habere non potuit.
 Qua nobilitate genita, eadem & viuens,
 Qua pietate educata, eadem & moriens,
 Innocentiam tenacius retinuit
 Multo quàm Animam.
 Tam cara Coniugi,
 Quàm fuisset antè Parentibus:
 Sui custos non deterior, quàm familiæ,
 Deum, ne improuisus adesset,
 Horis singulis expectauit.
 Seuerè in se puniens,
 Quæ aliis condonaret,
 Vitia, quæ ieiuniis, quæ flagellis,
 Non tam quia propinquauerant pepulit,
 Quàm ne propinquarent deterruit.
 Humanis implicata,
 Diuina non deferens,

Religiosior in Palatio,
 Quàm alter in Asceterio,
 Grauiſſimis moribus teneram oppreſſit ætatem.
 Tam Magnas Animas pariens,
 Vt ſecundo exhausta ſit fœtu,
 Quia non vt cæteri vixerat,
 Aliter ac cæteri moriens,
 Riſit Anum ſe à Morte creditam,
 Cum annos ſeptemdecim non excederet.
 Condone, Viator,
 Errorem hunc cæco Numini.
 Tu ipſe dies ita plenos
 Plura luſtra credideris.





INSCRIPTIONES ALIÆ

in eiusdem Margarita funere.

VEstigales huc oculos, Ciues;
 Hodie primùm Princeps Vester
 Suorum sitire lacrymas cœpit.
 Margaritam amissam qui quærit
 Accersit lumina quotquot potest.
 Vestra huc etiam admouere;
 Primos Superstitis Amores habebitis,
 Qui supremos Mortuæ
 Soluetis honores.

Frugalem malè fingimus Mortem;
 Plebeio contenta cibo non est:
 Cleopatra: ferculis assueuit;
 Margaritas, vt forbeat,
 In Puluerem atterit.
Vz Mundo ab ingluuie tanti Monstri:
 Pretiosæ dapes acuunt nouam famem.
 Illi lacrymas propinate, qui sapitis;
 Vestris inhiatæ gaudiis desinet;
 Abundè doloribus saginata.

Infensa floribus hyems est;
 Februarius Margaritas non tolerat.
 Tam mites animas non alij,
 Quàm omnium immitissimi carperent dies.
 Date hanc Cœlo veniam,
 Vt de vestrorum spoliis
 Nobilitet hortos suos.
 Æternitati nata germina
 Non alibi esse par est,
 Quàm vbi extra contagium hyemis
 Ver perennat.

Margarita sereno genita Czlo
Pluio deficit.

Vitream ne putes,

Quæ vel in tumulum lapsa frangi non potuit.
Integritatis in illa laus par nitore.

Pretium, si aliunde non nosti

Ex hoc vno conicies:

Quod qui non nisi bonas emeret Margaritas,
Hanc ut redimeret,

Se ipsum passus est vendi.

Amisam posthac illam ne lugeas;

Habes ubi illam inuenias,

In Dei manibus est.

Iniurius es Margaritæ

Qui eam, ac si non diu vixerit, luges.

Maturis moribus

Nullum superuenit præcox fatum.

Quæ iam Deum inuenerat,

Quid ultra quæreret inter homines?

Cœli moribus assueta

Terras fastidians,

Sat ampla vitæ credidit spatia,

Quibus tot capi merita potuissent.

Invidum hîc, non misericordem te volo,

Et tu sat diu vixeris, si sat benè.

Caue, Viator,

Ne ita alienam lugeas Mortem,

Ut non memineris tuam.

Hunc à tot luminibus fructum feras,

Quod ad ea cœperis videre, quid sis.

Hoc à te sperat Epitaphium Margarita,

Ut Virtutibus eius tuas adicias.

Sequi ne renuas, quam amasti;

Mortem contemne,

Quasi æternum victurus;

Vitam compone

Quasi propediem moriturus.

IAFREDI BENTII A SANTENA
Epitaphium.

TEgit hic Lapis, Viator,
Quem non vna tibi Historia reteget,
 Iafredum Bentium à Santena;
 Cuius venerabere Cineres,
 Si mores agnoueris.
 Maiores fortitus, quos tales decerent Posterì,
 Fulgorem Natalium
 Claritate facinorum geminauit.
 Nullius vitam rectius
 Militiam definieris;
 Aureo homini fuit ætas omnis ex ferro.
 Arma tractauit, vel cum ferre vix posset.
 Nullum non laborem perpeffus,
 Seu cum in Belgio disceret militem,
 Seu cum in Italia gereret ducem,
 Pari laude infixit hostibus vulnera,
 Ac in se pertulit.
 Principibus suis
 Non semel occasio Victoriæ,
 Sæpè causa securitatis,
 Non vnâ illis Arcem adeptus,
 Alias plures aut Propugnator,
 Aut Gubernator seruaui.
 Momiliani obsessus à Rege,
 Pro quo præter Virtutem,
 Tempus, & Fortuna pugnarent,
 Omni tentatus ariete, nullo fractus,
 Sui admiratorem dimisit,
 Quem hostem exceperat.
 Nihil in summo viro mediocre,
 Ne corpus quidem.

Sub Francisco Hyacyntho florido Principe,
 Acceptos ad eam diem honores
 Torque coronans aureo,
 Quam egregiè exercuerat
 Sub Carolo Emanuele primò Militiam,
 Ad Secundum vsque protraxit.
 Ne septuagenarius quidem missionem postulans,
 Tam utilis Consilio,
 Quàm fuisset vnquam antea manu,
 Declinaturus Bella,
 Quorum hilaris non posset esse victoria,
 Christianæ Regentis dolores
 Maturo licet funere auxit.
 Heros omni dignus Elogio,
 Cui ferri vsus
 Nunquam aut lenitatem in homines,
 Aut in Deum pietatem excussit.





EMINENTISSIMI PRINCIPIS

Ludouici Cardinalis de la Valleta

Epitaphium.

INfere Gallia,
 Ferales triumphali Lauro Cupressus,
 Et ad Eridani ripas
 Magnis iterum fatales nominibus
 Heliadum honestissima
 Iam non Phaëtonem, sed Phœbum geme.
 Phœbum inquam primam tui superbiâ Pindi,
 In quo & ornamentum,
 Et argumentum ingens Musis interiit.
 Epernonij Ducis filius Ludouicus,
 Sibi, non assentatoribus debet,
 Quod in Solis nomine rutilat vel sepultus.
 Tam multiplicem claritatem
 Minori vocabulo nullus expresserit.
 Ingressus Zodiacum,
 Quem suis ipse sibi distingueret signis,
 Iter arduum ea æquitate peregit,
 Ac qui nunquam Libram defereret,
 Ea magnitudine animi,
 Ac qui semper persisteret in Leone.
 Eum in Tauro qui vidit,
 Non item vidit in Scorpio,
 Cùm nullius capax veneni,
 Laborem à se nullum exclusit.
 Amplissimæ mentis Adolefcens
 Humanarum cognitione Artium non impletus
 Toto Deo pascere aggressus est famem suam.
 Bibit de Theologiæ fontibus
 Meracissimas Poriones,

Quibus corroboratus
 Vel ipsi potuit regendo Mundo par esse.
 Insigniuit Paulus V.
 Vaticano Galero Mercurium,
 Quem futurum quandoque fidissimum
 Regiæ in fratrem mentis interpretem
 Diuinarer.
 Urbanus verò Arcopago Christiano
 Benè consultum putauit,
 Si in discutiendis
 Implicatissimis quibusque quæstionibus
 Eum illi præficeret,
 Cuius eruditio
 Authoritatem Oraculi mereretur.
 Vallis huius profundum,
 Multiplici Roma scrutata Bolide est.
 Hospitis illa tanti
 Coluit genus, amauit Genium,
 Ingenium (audeo dicere) adorauit.
 Reperens tamen Gallia
 Ingens rerum suarum præsidium,
 Summis & ipsa auctum honoribus
 In vsum omnem publicæ felicitatis
 Adhibuit.
 Amplissimis præfectus Prouinciis,
 Illatum securitatem suis emit periculis.
 Nec auri tenax, nec odij,
 Semper æquè paratus donare beneficia,
 Ac maleficia condonare,
 Dum singulorum declinat iniurias,
 Omnium Amores incurrit.
 Vbique fortis, non item vbique felix
 Hoc ipso nobilitatus est capite,
 Quod in ipsius rectè factis
 Debentur Virtuti omnia,
 Fortunæ nihil.

Libertate omni dignissimus Princeps
 Tempori seruire coactus
 el V in odiosa occasione Virtutis
 Mores suos fecit amari.

Nulla magis

Quàm meritorum suorum mole laborans,
 Miratus sibi præcipitando
 Sufficere Fatis Ripulam posse,
 Multiplicem Eminentiam suam,
 Ad Pedes Montium subdidit Morti.

Ne crederetur magis stabilis
 Fortuna locorum, quàm hominum,
 Herois vnus Natalibus celebre oppidum,
 Alterius fit infame funeribus,
 Luxit Italia

Ibi mori cum Ludouico spem pacis,
 Vbi olim cum Carolo natam meminerat,
 Admirata Pietatem,
 Quæ supremi quoque periculi
 Excitaret inuidiam.

Virtutes, quas viuentis Modestia texerat,
 Ex affectibus Morientis elicit.
 Coiuisse credas Subalpina in bella
 Germaniam, Hispaniam, Italiam, Galliam,
 Vt Gentium omnium

Et linguis laudaretur, & lacrymis,
 Qui ita vixerat apud omnes,
 Vt sine omnium damno mori non posset.
 Dissidentes exercitus

Vnus, & idem dolor coniunxit:
 Nec fuit qui se hostem putaret,
 Cum amitterent singuli quem amabant.
 Vir planè magnus

De quo grauior querela non fit,
 Quàm quod ad decora nisi multa
 sit Natus.

MERCVRINI ALPHONSI

Marchionis Gattinaria.

Epitaphium.

Infelices Populi
 Quibus intra annum duplicantur excidia.
 Hic iterum sepultra
 In Marchione suo Mercurino Alphonso
 Gattinaria est.
 Date lacrymas Mortuo,
 Qui viuo debuistis obsequia.
 Calcate securi iacentem,
 Volenti non irrogatur iniuria.
 Huc se ille, vt calcaretur abiicit.
 Etate adhuc acerba maturus Czlo,
 Rectè sentientibus
 Non minorem mortis suæ
 Quàm Originis fecit inuidiam.



ILLVS

ILLVSTRISSIMAE
 ANNÆ BENTIAE
 Lumelli Comiti
 Epitaphium.

Avara Mors est;
 Aurear vobis mentes cauate.
 ANNA BENTIA
 Ideo diu non retinuit animam,
 Quia habuit pretiosam.
 Amedeo Patri solo dissimilis sexu,
 Nec Genio, nec Ingenio degener,
 Quod ille inter viros,
 Illa fuit inter mulieres.
 Amedeo Cribello ideo data Vxor,
 Quia Virtutis similitudine debita,
 In Lumelli Comitis domo
 Lumina, quæ inuenerat, geminauit.
 Felicior tamen Nupra, quàm Parens,
 Tot illustranda filiis,
 Quot Cælum Planetis,
 Dum septimo lucem daret,
 Supremùm illuxit.
 Virtutis eius plura argumenta ne quære:
 Vitam vt daret alteri,
 Rapuit sibi.
 Cælo matura concidit in Autumno,
 Et October qui eam dederat thalamo,
 Dedit & Tumulo;
 Ita ludente cum hominibus Deo,
 Vt illis eadem sint vehicula funerum,
 Quæ fuerant Nuptiarum.



NOVOCOMENSIVM CIVIVM

*Quos fœda lues Anni 1629 peremit,
Tumulus.*

Heu quot vnus hic tumulus domos capit:
 Miracula Mortis hæc sunt,
 Ampla quæque odiosam in Epitomen minuentis.
 De ingenti Nouocomensium colonia,
 Quam fœda lues abduxit è Mundo,
 Hæc solum vnire licuit Analecæta.
 Vbi tam multi suffragia postulant
 Auarum, Viator, te nolo.
 Iustus non es, si negas omnibus,
 Quod vel singulis debuisti.





SERENISSIMO GENVENSIVM DVCI

Ioanni Augustino Marino Parentalia.

HEu ! quale mortis est gelu,
 Quo tam generosis etiam acta motibus maria
 Vel in solstitij ardoribus glaciantur!
 Geographiam confudit ordo fatorum:
 Mare mortuum iam non Scythiæ solius,
 Sed & felicitis Liguriæ malum est.
 Piscatorem hic ego tamen adhuc, Viator, te volo;
 Ganges, & Erythra non dabunt,
 Quod *Io. Augustini Marini* dare tibi plenior
 Cognitio potest.
 Vt velint felicissimi, natus,
 Vt debent strenuissimi, mortuus,
 Nullum miserationi, omnem invidiæ locum fecit.
 Pueritiæ periculis, æquè ac Adolescentiæ studiis
 Initiatus ad summa,
 Fratrum postremus
 Eorum Virtutes quidam quasi collegit Epilogus.
 Diuitias bene collocare melior, quàm augere,
 Lucra sua omnia,
 Amicorum, & meritum accessionibus æstimauit.
 Ætatem non annorum numero,
 Sed dignitatum incremento distinguens,
 Ad Urbanum Octauum Orator pro Patria,
 Et in Patria semel Senator, sæpius Prætor,
 Omnem honorum semitam laudatissimis calcauit exemplis.
 Miles emeritus
 Ne in effæcto quidem senio missionem rogans,
 Postulatus in Ducem ita consensus, ut planum faceret,
 Voluisse se Patriæ plus prodesse quàm posset,
 Et legum incolumitatem sibi magis cordi fuisse, quàm suam.
 Augustinum folio dedit Augustus, Marinum Maria.

Tali regno nascenti horoscopari minor stella non potuit;
 Deguit in vnum diem geminam hilaritatem coire,

Dum & Maria in Cælum ascenderet,
 Et Marinus in Thronum.

Tumoris flatibus agitari nescium mare,
 Tot auctum gloriæ alueis non ideo redundauit.

Atque ita mare Vitreum Crystallo simile potuit credi,
 Dum & Dei mores speculi ad instar expressit,
 Et sepulcri mox allisum in saxo est comminutum in puluere.

Se Patrem reputans Princeps,
 Qui non nisi liberis imperaret,
 Ita singulorum studuit commodis,
 Ac qui non esset genitus suis.

Diuinitate quadam officiosissimæ humanitatis,
 Sibi semper præsens, neq; vlli vnquam deficiens,
 Nequitiam Vigilantiâ terruit,
 Innocentiam patrocínio roborauit.

Vigore animi

Aegro corpori laborum tolerantiam supplens,
 Cum iniuria Valetudinis,

Nec sine summa exaggeratione Virtutis,
 Caput in Principe, non pedes imperare probauit.

Liguriæ Regnum stabile facturum in mari,
 Qui sciret Imperia non aliis augeri artibus,
 Quàm quibus initio parata sunt,

Eo ardore nouæ classis desiderium accendit in suis,
 Vt vbi sacras Libertati triremes

E Sicilia reduces audiret,
 Non nisi pates felicißimis tanti operis initio

Vaticinatus progressus,
 Quasi sibi nihil vlerà esset optandum,
 Vale dixerit mundo.

Præsensit damnum suum Tellus,
 Et præmissis vesanis motibus queri de Cælo voluit,
 Quod sibi tantum hominem inuideret.

Cælum ipsum extinctæ serenitati nubilum parentauit,
 Texitque in Veste doloris gaudia

Alioquin exinde concepra,

Quod idem dies esset, & Christi corpori,
 Et Augustini animæ triumphalis.
 Infelix, Liguria, nisi superstitum Virtus
 Tantam tibi compensare iacturam posset.
 Ut ut tamen tibi restituas Principem,
 Eum semper amiseris Ciuem,
 Quem vel priuatum non sine luctu publico tumulasses.



INSCRIPTIO VIÆ

*Ante Palatium Io. Baptiste Spinula
 in Vico S. Petri de Arena.*

Hanc etiam sibi viam ad immortalitatem
 Aperuit, Muniuit, Ornauit,
 Ioannes Baptista Spinula;
 Cuius tamen spatij vsum communem faceret aliis,
 Eiusdem ius omne retinens sibi,
 Bona Patrum cum venia
 Præscriptioni cuiumque aditum clausit.
 Tenacitati ne tribuas natum à sagacitate consilium.
 Iniustus est qui iura lædit aliena,
 Improuidus qui non corroborat sua.




A L I A

De eodem Argumento.

Viam quam hîc calcas Viator
 Eripere tibi idem potest, qui dedit.
 Ius quod sibi Ioannes Baptista Spinula retinuit,
 Penès te esse ne puta.
 In hac tanta amplitudine spatij,
 Præscriptioni vel minimæ nullus est locus.
 Vtere igitur gratuito beneficio,
 Quasi illud statim ac debitum credideris, amissurus

COMITIS NICOLAI SANMARTINI
Epitaphium.

Comes Nicolaus Sanmartinus
 Ut velint felicissimi, natus Francisco Patre,
 Ut debent strenuissimi, Mortuus Victore Principe,
 Ad Pacem è bello discedens
 Arma sua moriens Christo legavit,
 Cuius Hæres Comes Flaminius
 Fratris pietati suffragatus de sua
 Hoc sancti Benedicti facellum crexit.



EXCELLENTISSIMI PRINCIPIS
IOANNIS ANDREÆ AVRIÆ
ANDREÆ FILII
Epitaphium.

Telluris impatientes Aquilæ tuz, Genua,
Semper ad volatum erectæ
Diu à Cælo abesse non ferunt.
Auream Gentem,
Quia avara mors est, captat avidius;
Male illam fingimus cæcam,
Quæ ita vider, quos petat.
IOANNES ANDREAS AVRIA
Genere, Genio, Ingenio laudatissimus Princeps
Retineret adhuc animam,
Nisi pretiosissimam habuisset,
Ad Solem originis suæ,
Se vix natus explorans
Quos Heroas referebat in nomine,
Eosdem restituere studuit in Virtute,
Felicibus nimium iniitiis
Præfatum sibi exitum vaticinatus,
Senium, quod habiturus suo loco non erat,
Visus est in pueritiam maturitate præpostera transulisse.
Quidquid accipere à cultura poruerat
Dedit ipsemet sibi.
Tam ludis inimicus,
Quàm honesti amicus laboris,
Contentus voluptate,
Quæ rectè factis inequitat,
Aliam omnem ademptam tempori,
Æternitatis commodis immolavit.

In ornamentum, non in iniuriam Libertatis
 Princeps in Parria,
 Priuati Modestia

Erumpentem à se maiestatem coërcens,
 Vel in hoc omnibus maior est habitus,
 Quod nulli fieri dedignaretur æqualis.
 Lucratus facilitate indolis amores omnium,
 Felicitate Virtutis omnium admirationes,
 Quia pleraque posse noluit, omnia potuit.

Nihil in sua magis amans fortuna,
 Quàm quod prodesse non solum miseris,
 Sed & felicibus posset,
 Mutuatus non aliud,

Quàm ab Auis suis exemplum magnificentiz,
 Præter Ferdinandum Cardinalem Austriacum,
 Et lectissimam Principum turbam,
 Ferdinandi secundi Fratrem, Tertij sponsam
 Imperatoris planè impensis hospes excepit.
 Dignus minima non accipere,

Qui non nisi maxima daret,
 Non ideo minus factus ad Regna,
 Quod in Republica natus esset,
 A Philippo Quarto Sardiniz Prorex datus,
 Odiosum Priscis exilium

Fecit gratissimam felicissimo cuiuslibet stationem.
 Qui secum duceret Coloniam Gratiarum
 Fortunatam facere Insulam quamcumque potuerat.
 Sensere illico inimicum genium Grassatores;
 Inanem beneficentiam reputans sua dare,
 Quamdiu non amoneret eos, qui raperent aliena,
 Quibus bonam indere animam non sperauit,
 Malam ademit.

Vacauit omni planè latrocinio latronum pœna.
 Tres eorum delezæ Centuriz
 Minuerunt Ararium Principi,
 Gloriam solam auxerunt.

Hæc ipsa sua seueritate tam carus singulis,
 Quàm utilis vniuersis,

Partâ periculis suis securitate Prouinciæ,

Illam in Aurei fiduciam sæculi

Prorex planè Aureus excitauit.

Atqui diuturna non potuit esse felicitas,

Quæ ipsa propemodum vota populi possidentis excesserat.

Quem suæ Vitæ fatigabant Virtutes,

Illum morborum Vitia,

Quæ sola corrigere non potuit, peremerunt.

Abièrè in exleges fletus

Nobiles huius funeris Præficæ

Sardinia, Hispania, Italia,

Miseratæ fatum Herois,

Cui, ad hoc vt maiores, aut æquaret, aut vinceret,

Non aliud defuerit præsidium, quàm ætatis.

Immortalitate nihilominus iam in tuto reposita

Infortunij huius damna non sensit.

Viue & tu Deo Viator,

Et nullum putabis incommodum,

Quacumque hora contigerit mundo periisse.



CLARISSIMI VIRI
ANSALDI CEBÀ

Epitaphium.

Quemcunque Virum, Viator, quæsieris
 Poëtam, Oratorem, Historicum,
 Græcum, Latinum, Italum inuenisti.
 Summa Anfaldi Cebà singularitas,
 Vnum nomen, & omnem hominem extitisse.
 Caue ne illum è saxo meritare, quo capitur.
 Heroas nusquam minus, quàm in Vris reperies.
 Illis nulla mundi pars Vacat,
 Qui & Cælum replent animâ, & terram famâ.
 In ea familia genitus,
 In qua, qui prodiret non optimus, monstrum esset,
 Nicolai Patris pietati
 Magna de Cælo merces aduevit.
 Felicitate Indolis necessitati educationis occurrens
 Citra detimentum Innocentiæ tolerare potuit puer
 Parentis. vtriusque iacturam,
 Dum quam vtrique debuisset obseruantiam,
 In gatu maiorem transtulit Fratrem;
 In Litteris, quæ magis humanæ sunt, summè diuinus,
 Per bonas artes sibi aditum ad optimas patefecit.
 Dicendi nitore, non mentiendi libertate Poëta,
 Et Morum, & Verborum elegantiam pari laude professus,
 Comicus, Tragicus, Epicus,
 Alcippo, Silandra, Esthere,
 Omnem Apollini lauream occupauit.
 Pluris faciens lus seruare, quàm dicere,
 Virum odio, non otij desiderio Iurisperdentia valedixit.
 Valedixit & Aulæ, qui & aptare se illi noller,
 Et illam sibi non possit.
 Quod tamen fuerit ab Aulicismo curatus,
 Inter bona, quæ malè Valetudini debuit, numerauit.

Romanum Cælum Patrio mutare coactus,
Solam iam ferens magnarum cogitationum frequentiam,
Urbe relicta in Villam secessit.

Parnassum non alium habuit iis diebus Liguria,
Quàm quem nouus Apollo, nullis non stipatus Musis, incoluit.
Nobilis rusticus omni facturus inuidiam Urbanitati,
Vocatus ad gerendam Rempub. Clericum induit;
Facto suo probans, Ciuem, cuius ideam tradidisset,
Difficilius exemplo exprimi, quàm stylo describi.

Salutis alienæ non immemor,
Vbi videri solum potuerat memor suæ,
Saram Coppiam, quia F. m. nam, quia Poëtriam, quia Hebræam
Efficax alioquin Orator frustra lucrari studuit Christo.

Seu Lanfranchi Fratris Eclogarium ageret,
Seu Furium Camillum ornaret,
Seu Romanam Historiam texeret,
Seu Græcos Theophrasti characteres transferret,
Seu de Eloquentia, & Epopœia præciperet,
Seu ad amicos, & Principes litteras daret,
In dissimilibus argumentis nunquam non simillimus sibi,
Omnem cuiusque litteraturæ gloriam suam fecit.

Gemina fame Deum honorans,
Altera, quam in œsophago longis Ieiuniis aleret,
Altera, quam in animo piis commentationibus inflammaret,
Primam Philosophiæ partem constituit, culturam sui.

In eligendis amicis tam cautus, quàm constans in retinendis
Quidquid cum iis non habuisset commune
Perdidisse se credidit.

Nihil magis in diuitiis amans,
Quàm quod possent, & sine vitio prodigi,
Et cum lucro contemni,
Ad nuditatis vsque periculum profusus in pauperes,
Elisita dedit omnia, ac si se ipsum etiam debuisset.

Sui seuerissimus Censor,
Qui se seruorum more sæpe punierit:
Culpauit adolescentiam suam senior,
Quod contra quàm seuerum decuisset ingenium:
In amoenitatem Poëticam mansucuiisset.

Qui posteritatem in libris haberet, non Liberis,
 Pro Esther suæ sollicitus innocentia
 Vitæ maluit damnum sentire, quàm famæ:
 Vir omni titulo immortalitatem promeritus,
 Seu quod ita vixerit,
 Seu quod ita scripserit,
 Seu quod ita perierit,



F E D E R I C I S P I N U L Æ,
 PHILIPPI FILII, AMBROSII FRATRIS,
Epitaphium.

Federico Spinulæ ne quod deesset calcar ad gloriam,
 Spinam, quam sui habent in stemmate,
 Ipse sibi fixisse visus in corde.
 Memoria Felicissimæ Originis
 Fuit illi semper torporis antidotum,
 Nunquam alimentum tumoris.
 Ligusticus Alexander Philippo & ipse genitus Patre,
 Durissimæ Militiæ Tyrocinium pueritiam habens
 In ditione corporis sui ubi primum experiri pugnas cœpit,
 Cœpit exornare Victorias.
 Qua Ciliciis, qua flagellis
 Atrocius sauciavit Spinula Venerem, quàm olim spinas
 Tam spina tamen, quàm Spinula rosam fecit,
 Cui in ornamentum candoris purpura cruoris accederet.
 In summa auri copia
 Vnde ferri amorem attraxerit nescias.
 Authoratum à pietate ne dubita,
 Qui non alios, quam oppugnatores Pietatis
 Impugnandos acceperit.
 Ad bellum sacrum apparatu plane sacro profectus
 Ingentem Virtutum exercitum
 In Bataui perniciem duxit.
 Non acceperere illum bella nocentem, at nec fecere.
 Sub Alexandro Farnesio
 Ita per plures annos militem agens,
 Ac qui iam in se gereret summum Ducem,
 Antheus in Tellure, Cycnus in Mari
 Achillem, & Herculem in omni lacerare
 Potuit elemento.

Primusqui **T**rimmes Hollandici faceret partem metus,
Inter hostes à se deuictos

Domita potuit insana freta censere.

Illo Duce pauci Myoparones

Plurium Classium egère negotias

Consilia hostium nemo explorauit solertius,

Nemo felicius impediuit:

Audiit Federici merito per ea maria Ligur

Iam non solum detector Orbium,

Sed & quorumlibet arcanorum.

Sane Philippo Regi non Prouincias solum,

Sed & Albertum seruauit Archiducem,

Quem ab Orangio circumuentum

Videri prope potuit recuperasse.

Et triremibus auctus, & titulis

Illas in hostem educens, hos in se regens

Publico bono coëgit suam quoque modestiam militare.

Nihil minus dici volens, quàm quod esse maxime cuperet,

Ita intentus cogitare quid faceret,

Vt obliuisceretur penitus quid fecisset,

Dum expeditionis arcanæ opportunitatem expectat

Nauali ortâ cum hostibus pugna

Honestissimæ Viræ præmium retulit gloriosissimam mortem

Ingentem Virum confessa fortuna est

Quem non nisi omnium maximo sperauit

Telo prosternere.

Meliori digna virtus luce clarescere

Amisit terrestri tacta fulmine spem latendi.

Gratulatus ille corpori suo tam honorificam calamitatem,

Excitauit animum, vt occasione fracti carceris

In libertatem, quam semper anhelauerat, auolaret:

Victor hostium moriens,

Et quod est laudabilius, Victor sui

Per laxatas membrorum rimas

Integritatem animi patefecit illæsam.

Christi miles emeritus in triumpho illo suo


Cilicij chlamyde decorus apparuit,

Et

Et cuius meruisset stipendia
 Illa quasi tessera demonstravit.

Quidni Deo, & Regi rebelles vinceret,
 Qui in eos & Regis armis vteretur, & Dei?
 Date, superi, multos Catholicæ Militiæ Federicos,
 Ruet illico Hæresis, Virtutibus magis victa, quàm bellis.






GENVAE DELICIIS
IN LAURENTIO SAVLO SEPVLTIS
Epitaphium.

Solare fleribus tuis Gratiarum mœrorem, Liguria,
Quando suo consepultæ Laurentio,
Funeris, cuius & ipsæ pars sunt,
Agere Præficas minus possunt.
Lugeant oculi damna sua, si aliena dissimulant;
Inde doleant obiici sibi argumenta luctuum,
Vnde semper antea fluxerant gaudiorum.
SAVLVS hic, cui & in itinere prostrato apertum,
Sed sine iurgio, Cælum est,
Phœnix Iuuenum vel ipsa nascendi forte descriptus
Matris è funere Vitam hausit.
Nouum solem enixa femina,
Quo alio fato deficeret, quàm Auroræ
Exhausta tanto foetu natura est;
Qui vni omnia dederat, alium non sperauit posse dotare.
Vel hinc innotuit
Commodati ab breues vsus muneris pretium,
Quod non nisi accepta pro pignore tam pretiosa Matre daretur.
Dedicauit extremam Bacchanalem licentiam
Exortu suo tanta modestia;
Vel ipsas primas lacrymas suas humanæ leuitati cōuicium fecit,
Imminente Cineribus die natus
Ominari sibi non nisi breuem Vitam potuerat.
Nouus Samuel, seu quod Annam Matrem habuisset,
Seu quod vel Puer Dei voces audirer,
Cæli Ciues ad similitudinem vsque vultus expressit.
Consuetudinem Virtutis alteram sibi naturam constituens,
Dei affinitatem, Nobilitatis primam tesseram ratus
Equestrem

Equestrem Vitam non aliis,
 Quàm æquitatis limitibus definiuit.
 Harmoniâ morum, quodam quasi Magico carmine
 Excantans inuidiam,
 Diuinissimo semel in hebdomada pane refectus,
 In ipsam alimenti sui sanctimoniam visus abire.
 Suos triumphauit & ignes iste LAURENTIVS;
 Omnes gloriosi huius nominis partes impleuit,
 Qui & pauperibus thesauros disperfit,
 Et admotas sibi ab Erebo faces extinxit.
 Quidquid in sene munerare honores potuerant,
 Amores in Iuene suscepserunt.
 Decepit naturam ipsam summa maturitas,
 Creditus est ad Autumni iura spectare,
 Qui nihil iam redoleret acerbum.
 Quantumlibet inuerecunda mors sit
 Horruit in Genuæ oculis carpere tantum florem.
 Scelus hoc suum vt absconderet in orbe remoto
 Lauretum cum vxore, & Patre peregrinantem sequuta,
 Parum abfuit, quin tantæ innocentie
 Infamiam illam affigeret
 Vt dici deberet & Matrem perdidisse oriens,
 Et Patrem moriens peremisse.
 Venetiis expertus maiorem in Vitæ fluxu,
 Quàm in Hadriatici fluctibus Anomaliam,
 Ferrariam vsque differens fatum,
 Perdere se Vitam non credidit, cum mutaret.
 Impetrarunt lucrum hoc Cælo sanctorum omnium merita;
 Frustra illum iam retinuere remedia,
 Quem in die suo sibi contubernalem deposceret tanta cohors.
 Vt intelligeres abire illum in lucem,
 Exeunte nocte deficiens,
 Probauit in hoc ipso se fidus,
 Quod euanesceret in Aurora.
 Somnium ne putes, quod moriens adesse sibi Cælites dixerit;
 Minus mihi prodigium vidisse Cælites,
 Quàm tanquam eorum vnum semper vixisse.

Felix cui Pietas, & magistra Vitæ fuerit,
 Et Mortis occasio.
 Longè felicior, qui Mariam in Piceno non viderit,
 Sed in Cælo.



INSCRIPTIO IMAGINIS
 AVGVSTINI MASCARDI
in charta expressæ.

AVgustino Mascardo fatum
 In chartis viuere.
 Mercurius Ligur
 Triplici & ipse laurea
 Pœseos, Oratoriæ, Historicæ Trismegistus,
 Sua superstes in fama
 Non totus obliit.
 Dicentem Suadam interpellare plausu
 Non decuit;
 Dixit; nunc plaudite.





IN FVNERE]

VICTORIS AMEDEI SAB. DVCIS.

Inscriptiones ad valvas templi.

Pluuius vobis, ô Ciues, Autumnus est,
Serenitate sepulta.
Viciscimini fletibus præteritæ siccitatem æstatis.
Dat argumentum Christiana,
Damna vestra lugens in suis.
Noua Artemisia meliori Mausolo parentans,
Auaritia quadam doloris,
Suis non contenta gemitibus, inhiat alienis.
Hoc primum pendite tributum regnantis;
Nullum maiori titulo debuistis.

Ollus letho datus est Princeps optumus:
Adesto Ciuis, & lacruma.
Par fuit illum ita pollincere,
Qui hoc vnum peccauit in suos, quod mortuus est.
De Aspersione, & Rogo ne cures:
Illam à Christianæ oculis, hunc habet à corde.

Nulli hîc manes, aut Medioxumi placandi sunt;
Adhuc tamen Denicales ferias indicunt Pontifices,
Læssum habento matres,
Patres purpuram exuunt.
Iustitium esto toti Vrbi.
Victoris ossua vt bene celsquant,
Adhuc cor eius remanet insepultum.

Vnica conculcata Vita
Vindemiam lacrymarum dedit Octoberti.
Ebrius exinde dolor, insanit, furit.
Vt se ipsum extinguat, incendit omnia

Huc, huc suppetias, Ciues;
 Heroïna enim quamlibet sit,
 Sola illum nequeat Christiana frænare.

Orgia mortis hæc sunt,
 Accurrite ad celebritatem Mortales.
 Triumphare illa voluerat
 Multis exercitiis in vno Duce deletis.
 Ultra tamen clientis iniuriam Virtus,
 Deturbatam è curru rota æternitatis attriuit.
 Habetis luctus argumentum,
 Habetis & gaudi j;
 Alterum mors, alterum Virtus ministrat.

Qui vos toties coëgit ad gaudia Victor,
 Semel à morte Victus cøgit ad lacrymas.
 Ita se Principem memorans, vt hominem videretur oblitus
 Diem incolumitati prospicit vestræ,
 Defuit suæ.
 Seruate illum gloriæ,
 Quem minus potuistis naturæ.
 Animus totus cum fuerit
 Vix vlla sui parte subiacet fato.

Animo, quo pupillos decet, accedite.
 Iam non solus est sine Patre Hyacinthus,
 Patrem omnes amisistis in Principe.
 Si quæ posthac felicitas oriatur,
 Posthuma sit Patre sepulto.
 Iusta soluite, quæ debetis.
 Æquum non est, vt careat Providentiæ suæ fructu,
 Qui nullius voluerit lacrymas viuus,
 Quod plurimum haberet mortuus.

Ad statuas Iustitiae, Prudentiae, Fortitudinis, et Temperantiae.

Tanto funeri Praeficas

Omnes deceat adesse Virtutes.

Omnes regnarunt in vino,

Omnes lamententur in mortuo.

Luctum indicit hac lege Iustitia,

Ut in luctum iam non timeatur excessus.

Priusatus saepe cum vicio,

Bonus Princeps semper cum virtute lugetur.

Autumnum evadere nequit summa maturitas:

Alienissimo cecidit tempore,

Quamvis ceciderit suo.

Nos nobis diem abstulit Sole sublato

Suprema hora, Victori fuit secunda, non nobis.

Lugere damna vestra, Populi,

Si nostra non vultis.

Virtutes alie Principem,

Prudentia etiam Magistrum amisit.

Victoris exitum sine lacrymis

Stupor, non Fortitudo pertulerit.

Vidit illa cadentem, quo toties steterat,

Periculorum destituta consorte

Iam non adiret pericula,

Nisi Victorem sciret in Hyacintho superstitem.

Mortui spiritum bibit Artemisia secunda, non cineres.

Eum inde, Fortes, reposecite;

Armare adhuc ille vos potest.

Temperantia, quae in aliis virtus est,

Visa propemodum in Victore natura.

Obsequij à seipso durus exactor,

Ad virtutis custodiam de Principe stationarius.

Omni excubias egit in sensu.

Nulla illi venatio gravior, quam laboris.

Illum vnum persequutus in sylvis,
 Solas habuit è vitæ difficultate delicias.
 Felix, qui scierit perituræ felicitati detrudere,
 Quod lucraretur æternæ.

ALIE INSCRIPTIONES.

Cor amisit Christiana,
 Quod tæ accensis facibus adhuc querit.
 Eius miraculis additum, quod sine corde iam viuat.
 Excors tamen illa non est,
 In quam pro vno, omnium corda migrarunt.
 Ad luctus, & lacrymas à Victore relicta,
 Dolori nubens
 Pientissimo, & de se optimè merito Coniugi,
 Quam cum se habuit, eandem cum Deo
 Æternam pacem præcata,
 In amoris sui solatium hanc molem accendit.

Coronæ suæ Victor inferendo Hyacinthum,
 Pretium addidit, & nitorem :
 Viliori gemmâ ornari ille non debuit :
 Talem sortitus, qualem potuisset eligere,
 Non habuit moriens quid optare,
 Quod se superstitem sciret in filio
 Viuat, & floreat tantus Hæres
 Aui annos excedat, fortunam Patris.
 Pro Regis sui incolumitate Sabaudia
 Non aliam vouet victimam, quàm se ipsam.

Heroibus ita dices Sabaudia esse
 Vt de solis Amedeis iam dare Decimas possit:
 Tot in miraculis memor natura, T
 Vt illa suis in opèribus Decimanum, V
 Ita ipsa in Principibus Decimum, maximum creat.
 Amedeo ipsius Maximo, quia decimo,
 In quo vno Amedei omnes reuixerint;
 Tot inter bella pacifico Principi

Æternum

Æternam plaude Sabaudia,
Hoc tibi in tanta iactura sit lucrum,
Heroas tuos omnes posse vnus honoribus hilarare.

Frequens iam in Sabaudia monstrum est,
Vt vna ceruix ingenia plura circumferat
In vno Victore.
Et suum Philippus Auus genitum paci,
Et suum Carolus Pater idoneum bello deposuit.
Vnus vtrique exprimendo non impar:
Sæculi sui commune remedium,
Amplio rem se in illius fecit angustiis.
Oraculorum more pauca loquutus,
Eorundem authoritate plura sopiuit bella, quàm gesserit.
Artibus suis de ferreo sæculo aureum fecerat,
Si tam facillè potuisset
Alienis cupiditatibus imperare, quàm suis.
Federatà Cælo Sabaudia est,
Habebit obsides suos,
Quibus vt se Victor infereret,
In terra, Cæli moribus assuevit:
Non ideo minus obsequens Deo,
Quod hominibus imperaret.
De exhibitis eidem honoribus suos auxit,
In templis æquè Religiosus, ac frequens.
Illuc videri potuit,
Ex Asceterio, non ex Aula venire.
Dei Matrem vt appensam in Collo,
Ita fixam gerens in corde,
Vulgi suspicionem auxit,
Affinem Sabaudiam, Christo esse.
Fluctuanti Regno Victor par procellæ Dux datus.
Tam facillè declinauit aduersa, quàm vidit.
Sagacitate suâ corrigens.
Quod temporum fortuna peccasset.

Patri propior mentis sublimitate, quàm sanguine,
Eiusdem iacturam tolerabilem mundo fecit.

Armis suis vni semper militans Paci,
Quietem quam daret Italiae, adimens sibi,
Beare illam potuerat,
Nisi fuisset vitæ claritate,
Quàm mortis opportunitate felicior.

Aliorum Victor, periturâ contentus coronâ,
Æternam exigit Victor sui.

Exorsus à propiori homine certamina
Se ipsum, primum sibi trophæum statuit.
Altitudo tanta

Quæ infra se agerentur ne sensit quidem.
Magnitudine rationis occupat affectionibus locum.
Præter Virtutem nescias quid amarit,
Præter Deum quid timueris.

Mortem ipsam ne suo quidem dignatus est metu.
Libero vultu dominantem necessitatem excipiens,
Vtrò venientem, ac si vocasset, admisit,
Ne tum quidem cogi visus, cui resistere non posset.

Quies omnis violenta Victori:
Vnica illi ex laboris mutatione cessatio.
Somni diuturnioris ne capax quidem
Nihil magis odit in morte,
Quàm quod ipsa etiam formæ est.
Consuetudo illi, quod aliis conatus extremus.
Æquè admittendus, quod tam celoriter inueneretur,
Ac quod tam potenter staret;
Nullius rei magis Dominus, quàm corporis sui,
Eius ita grauat obsequia
Vt diu par tam ingenti animo ferendo non fuerit.
Prouidus in hoc vel maxime,
Quod labores dederit temporis,
Quietem seposuerit æternitati.

Victoris animus maior

Quàm vt posset à fortuna circumagi:
 Cùm circa eum omnia mouerentur, semper immotus,
 Si nequitiam excipias, omnium capax.
 Multas cùm passus sit, nullas sensisse visus angustias.
 Grauatùs leuitate non suâ,
 Imbecillitatem putauit pondus excutere.
 Iniurias eò æquius tolerans, quò iniquius inferrentur,
 Celsiorem se fecit,
 Quàm vt ad illum doloris tela pertingerent.
 Tanta illi de sublimitate Serenitas,
 Vt natura credi potuerit, quod erat titulus.

Pudicus vel ab Horoscopo Victor

In Virgine natus est.
 Nemo melius syderis sui mores expressit.
 Priuati moderatione Principem agens,
 Volupratibus offensus veriùs, quàm illectus,
 Turpium odio sæpe nec honestas admisit.
 Deditatus semper est Cypriæ seruire, Rex Cypri:
 Memor natam illam Ditioni subditam suæ,
 Agere Dominam non permisit.
 Affectionum prauitatem dedolans ad amussim rationis,
 Grauior, quàm vt eius aspectum pati leuitas posset,
 Delectabile id vnum credidit quod honestum.


Quò Victor appulerit coniice;
 Beatrix præiit abeunti,
 Dux eò magis fida, quòd filia.
 Historia esse cœpit in Principe, quod fabula fuerat
 in Poëta,
 Vt Beatricem sequuto Cælum patuerit.
 Eò securus ingredi potuit,
 Quò per egenos præmiserat aurum suum.
 His ille metatoribus vsus
 Æternam Domum extruxit.
 Libentiùs beneficia sœnerans,

Cum qui acciperet soluendo non esset,
Fideiussorem Deum ita deuinxit,
Vt Regno carere non timeat.

Sole Libram ingresso
Decrescere lux magis coepit hominibus, quam diebus,
Hyemem non metuunt flores Sabaudiae,
Adhuc tamen ad eiusdem praesagia
Veris colliguntur in cellas.
Natus cum floribus Princeps, raptus cum fructibus,
Quae veniens dederat gaudia, abstulit discessurus.
Hoc vnum de illo conqueri mundus possit.
Eo nascente riserunt omnia,
Dies triumphalis vni, alteri Natalis Victori,
Mensis iam non rosarum solum, sed & Heroum ferax.
Pater, Victorias vaticinatus in filio,
Regnum vniuersum faustissimis tunc in Encarniis,
Principum suorum primitias.
Per salutare lauacrum Christo dedicans in Philippo
Visus eo die Carolus beneficiis cum Caelo certasse.
Qui tam splendide primam Deo vouebat Prolem;
Secundam meruit.
Authorem prodidit donum,
Et pietatem, cuius praemium erat, expressit.
Virtutis alumno percuncti luctum fecit Natura;
Silentium auib, caluitium syluis indixit;
Ita Victor violentia quietis suae commouit omnia.

Vercellis sacellum vnicum
In Carolo, Amedeo, Victore,
Gradum omnem probitatis includit.
Eundem in tumultum
Bonus, melior, & optimus consenserunt.
Ita ne mortuus quidem Victor
Aliis potuit adhærere, quam Bonis.
Relinque hinc, Sabaudia, luctus tuos:
Diffidis superstiti, si plus æquo luges amissum.

Vt tibi fructus innumeros
 Vnico decerpto Autumnus absumpserit,
 Arrham magnorum fructuum Florem habes.
 Quamdiu apud te in Christiana & Filio florent Lilia
 Cum Hyacinthis,
 Hyemem ne timeas, in vere tuo es.
 Victorem ita mortuum geme,
 Vt immortalem agnouisse credaris:
 Et iucundior, & vtilior tibi
 Eius vitæ memoria possit esse, quàm mortis.



INSCRIPTIONES

*QVIBVS SINGVLARIA EIVSDEM
 Principis Facinora commendantur.*

CVM Nemorosæ Duce congressus,
 Quo Sabaudiam dinidere volentium conatus elusit,
 Et Consanguineum Principem
 Inimicorum armis ereptum, suis restituit.

Semel vinci Sabaudia potuit,
 Quia secum ipsa concurrerat.
 Tantum tamen invidiæ gaudium Victor invidit.
 Lacesitus ab hoste,
 In quo æquè genus amaret suum,
 Ac scelus excraretur alienum,
 Armis exterritum
 Maluit recuperare, cùm posset perdere..
 Victoria illi nulla gratior,
 Quàm quæ beneficiis parta est.
 Lætus quod in illo conflictu,
 Nec suo generi quidquam, nec honori periisset,
 Dei more vltus iniurias,
 Natum Imperiis Principem,

Perditorum consiliis seruire coactum
 Libertati restituit, dum repressit.
 Sabaudi nimirum non in solo stemmate Leones sunt:
 Fortiores quàm ut vincantur ab ira,
 Placati supplicibus, elatos conculcant.

Acta Turonibus occasione coniugij,
 Quando domestica Galliarum dissidia
 Reginae Matris cum Rege,
 Miram felicitate composuit.

Raro nubit Sabaudia,
 Quin de extinctis Bellonarum facibus
 Hymenæo tædas accendat.
 E Victoris Connubio prima de parta pace fecunditas.
 Domestico bello diuisa Gallia
 Illum potuit Mercurium antè nosse, quàm Martem.
 Perditorum susurris

Hinc Regem, hinc Reginam trahentibus,
 Suspicionum nubibus hinc indè densatis
 Preparabatur materies luctuum,
 Nisi Sabauda superinducta serenitas
 Pluuiam dissoluisset.

Renasci sibi visus est Ludouicus,
 Qui de nouo Matrem acquireret.
 Se viduam propè est oblita Maria,
 Cum citra dolorem parientium iterum Mater esset:
 Ab utroque tamen retulit Victor
 Laboris sui magnam mercedem, Christianam.
 Pariet adhuc illa Sabaudiarum posthumam Pacem,
 Quam maritus Galliarum peperit nondum Pater.

Vulnus ad Verrucæ Pontem,
 Quo eius magis facies, quàm æquanimitas læsa,
 Cum, ac si esset extra ditionem Fortunæ
 E vestigio non discessit.

Vnicam ex virtutibus Fortitudinem
 Victoris modestia tegere mundo non potuit.
 Eius ille stigmata gessit in vultu.

Ad Verrucam

Immortalitate iam tum in tuto repositâ mortem laceſcens,
 De Ponte magis, quàm de fronte sollicitus,
 Tam certus periculi, quàm contemptor,
 Opportunitatem fortunæ dedit, vt disceret,
 Quo animo fuerit aduersa laturus.
 Firmior quàm vt Plumbeæ cederet glandi,
 Quod esset illi sub oculo vulnus
 Tam non sentiens, quàm non videns,
 Læsum se esse omnium cognouit extremus;
 Hoc de Achille plus habens,
 Quod vulnera cum posset eludere, pati mallet.
 Fluxit de læsa cute plus gloriæ, quàm cruoris,
 Et Verrucæ tantundem constantiâ suâ,
 Quantum Padus alueo attulit munimenti.
 Ita pari semper Sabaudia merito agit, & patitur,
 Assueta pridem securitatem suam
 Nec tempori debere, nec forti.

Pax ad Claraschum,
 Eius operâ duratura diutius,
 Nisi Italiæ quiescere nescientis fatum obsisteret.

Victoris prudentia quò clarior illucesceret mundo,
 Coïre Mundus debuit ad Claraschum.
 Ea Primarium Actorem in scena,
 Vt citra tumultum spectarent
 Heroës suos omnes Germania in Galassio,
 Gallia in Toëratio, misit,
 Singulis iam de hoc vno certantibus,
 Vt Victori pares obliicerent.
 Miratus mundus est intolentiam fori,
 Vt nouo exemplo ejus in ditione causa cognosceretur,
 Cui ne assumeretur in Iudicem,

V.

Obesse potuerat, quod Astor esset.
 Quæ tamen de Victore fuit opinio,
 Ne propria quidem in causa creditus erroris est capax.
 Ita præiudicium omne diluerat
 Tantæ prudentiæ, ac probitatis autoritas.
 Indiçta comitia illa quod sint,
 Urbano, Ferdinando, Ludouico debeat Mundus:
 Quòd dissoluta sæpe non fuerint, Victoris indiuisa laus est.
 Italiæ diu quieti laborans
 Malaciam procellis induxerat,
 Nisi eam nouus è Suecia Turbo soluisset.
 Patris causam non segnius agens, quàm suam,
 Ab armorum pericia iam abundè laudatum,
 Ab eorum quoque Iustitia commendabilem fecit,
 Vbi totius Europæ suffragiis definitum,
 Malè negata Carolo,
 Quæ quia iustè per bella perierat,
 Pace initâ darentur Victori.

Auctum Regnum accessione nouæ Prouinciæ,
 Roboratum instaurato cum Heluetiis fœdere,
 Ornatum ædificiorum splendore.

Bonorum, quæ Regno suo Victor intulerit,
 Tam dulcis experientia, quàm amara recordatio est.
 Septem dies, quibus operatus est Deus,
 Per annorum, quâ regnavit Hebdomadam æmulatus,
 Annos singulos singularibus beneficiis insigniuit.
 Auctum primo regnum est, defensum postremo.

Alios ex fugata Peste,
 Ex pace parta, ex fœderibus innouatis,
 Ex ornatis, ac munitis Urbibus rectè distinxeris.
 Ipsæmet Elementa

Didicerunt innocentiam sub bono Principe.

Vitia sua Tabidus Aër,
 Auaritiam sterilis Terra correxit.
 Placato per innocent iam Deo,

Homines

Homines per beneficentiam attrahens,
 Helueticorum fidem nouum Regno suo murum extruxit.
 Vidrice manu porrectâ vinciens foederatos,
 Dedit beneficia, vel cùm videri potuisset accipere.
 Immortalitatem ita per ædificia quærens,
 Ac si eam iam non haberet aliunde.
 In Domo marmorea Magnificentiam suam
 Delineauit veriùs, quàm inclusit.
 Ne tamen primus de suis
 Crederetur minùs genitus Cælo,
 Si se dignam Regiam habuisset in terra,
 Eâ non absolutâ discedens,
 Ineluctabili argumento conuicit,
 Aliorum commodis semper se studuisse, non suis.

Nouæ Constitutiones sancitæ :

Religio non decretis minùs, quàm exemplis adiuta:
 Repressæ Hæreses: amati Pauperes: ornata Tempa. :

Victorem nescias an illustriorem seruatis antiquis,
 An vtiliorem nouis sancitis legibus credas?

Priuati virtutem agendo,

Principis Maiestatem præcipiendo

Tam feliciter, quàm constanter expressit.

Nemo ferendis legibus aptior,

Quàm cui honestas sola lex esset.

De Rege cùm haberet omnia,

Nomen illi deesse non decuit.

Hoc ipsum tamen vt assumeret,

Tempus, non ambitio persuasit.

Subegerit sibi Thracia Cyprum,

Victori deesse Regna poterunt, non iura regnandi.

Per Imperia seruiens æquitati,

Religioni tam addictus veræ, quàm insensus fucatæ,

Pro fide certantium labores

Vtiles fecit esse de suis.

Nouos Gigantes ex Alpibus oppugnantem iterum Cælum

Ioui suffe&us,fulminare vel de terra paraucrat,
 Nisi fecunda Monstrorum sæcula
 Ministras fulminum Aquilas aliò diuertissent.
 Vestigalem se Deo sciens,
 Tributa sua ornandis eiusdem templis Impendit.
 Eumdem vèneratus in iis,
 In quibus contemni potissimum solet.
 De Pauperibus solos, quos ignorauit, non aluit.
 Assentationem ne puta,
 Quod iuraturi testis assertio est;
 Amedei Noni Pieras ita fluxit in Decimum,
 Vt non sit qui meminerit
 Eum in causa pauperum irritâ precè rogatum.

Munitæ propugnaculis Vrbes,
 Quibus sua iam satis,& Ciuium virtute defensis,
 Nouam addidit securitatem.

Propugnacula pleraque suo Victor molitus in Regno,
 Nullum seipso tutius adinuenit.
 Oppugnari illa possunt, quod ille non potuit.
 Ita fidens omnibus, ac si nullum metueret;
 Ita singula muniens, ac si diffideret vniuersis,
 Absentiæ suæ damna dum præuidit prohibuit.
 Vercellas iis cinxit aggeribus,
 Quos tueri vel mortuus posset.
 Nullibi minus necessaria munimenta,
 Quàm vbi foret ipse sepultus;
 Tanti réuerentia Principis,
 Etiam sine mœnibus hostes excluderet.
 Momilianum plura Victoris arti iam debeat,
 Quàm loci naturæ.

Niciensium Acrocorinthus tèt inuidta iam bellis
 De illius timore securior,
 Nouam arcem obiiicit mari.
 Alba ipsa iam de Victore,quàm de Pompeio plus habet.
 Trino,quæ oppugnatio ademerat propugnacula,

Cum

Cum fœnore reddita.
 Hastensibus nouâ arce,
 Taurinensibus nouâ Vrbe consultum.
 Omittre tamen ista potuerat,
 Si se suis relinquere potuisset.
 Illo præsentē nulla munimentorum necessitas.
 Aut date nunc igitur, Superi, pacem Sabaudiz.
 Aut eam munitam si vultis,
 Reddite in Hyacintho Victorem.

Crauacori expugnatio.

Vbi paucis diebus plures assequutus Victorias,
 Ipsum etiam hostium Ducem,
 Quî suppetias laturi venerant, interemit.

Bellatores sunt apud alios,
 In Sabaudia propè nascuntur.
 Ab armis Victor alienus,
 Si sine illis quod erat in nomine, re ipsa esse potuisset:
 Posuit militiæ rudimenta Victorias.
 Veteranum si de peritiâ æstimes, nunquam Tyro,
 Antequam bella disceret, iam docebat.
 Ad Crauacorium ingenio experientiam supplens,
 Cum nullas adhuc haberet à fama suppetias
 Nudâ virtute pugnavit,
 Antè cum montibus, quàm cum hominibus;
 Asperitate locorum, æquè ac temporum victâ,
 Solutis ardore niuib, ferro incensibus dissolutis,
 Mensem omnem more suo Martium faciens,
 Ianuarium ipsum bello seruire coëgit.
 Tormenta tam faciliè transferens, quàm prudenter disponens,
 Mutatis sæpe conflictuum initiis, nunquàm sine;
 Orbatas syderibus noctes
 Pluribus Victoriis illustrauit.
 Vbicunque hostem inuenisset
 Æquè fortiter sustinens, ac lacessens,

Non deterius monte,quàm campo vsus, edocuit
 Ducum virtutem,non locorum fortunam bella decerne:
 Gaius ad Sessitem sibi hostem oppositum,
 Qui de Luna claritatem, non inconstantiam ferret,
 Difficultate vincendi laudem addente Victoris
 Adhuc sibi de suis seruatis,
 Quàm de illo deleto plus plaussit.

Gesta ad Oram Occidentalem Liguriz,
 Vbi non minor in vincendo felicitas,
 Quàm facilitas in parcendo.

Ambitio nulla maior Victori,
 Quàm seruare quos vinceret.
 Inuictam toties Victoribus Orbis Liguriam
 Hostis ingressus,
 Iratus fortunæ temporum,
 Quæ vbi tot Oleæ Pacis indices nascerentur, bellum infereret,
 Vnico Plebani Oppidi excidio,
 Plurium occasionem præcidit.
 Nullibi maiores sensit angustias,
 Quàm vbi veniam non caperet locus.
 Semel seuerus, ne semper esse cogeretur,
 Paucorum exitio cæteros monuit,
 Vt cum hospitem mallent habere, quàm hostem.
 Magnanimis mitius non profuisset exemplum.
 Ad Entemelium nescias, an bombardis alas dederit,
 An molem ademerit.
 Eò illas impulit,
 Quò ideo solum credantur venire potuisse, quò venerint.
 Inerat authoritati eius plus ponderis, quàm Metallo.
 Albigauno, & orâ ferè vniuersâ,
 Quà beneficiis, quâ armis edomitâ,
 Vicit propè plura, quàm viderit.
 Defensor ingressus ea oppida,
 Quæ se oppugnatorem noluissent:
 Si quid periret incolis, suæ gloriæ damnum putans,
 Auidum

Auidum prædæ militem

Frænare maluit, ditare cùm posset.

Palmarum in Patria Victor iniurius esse non potuit.

Arbori suæ venerationem hanc debuit,

Vt ubi illa nasceretur, nemo periret.

Ita si quando decissent quos vinceret Victor sui,

Ex ora illa felici,

Ipsas etiam palmas retulit, quas reliquit.

Ad Bestannium receptus

Vbi loco iniquissimo ab hostium 25000. circumuentus,

Tria suorum millia illæsa reduxit.

Militarunt in Victore tam multa,

Vt constare solus exercitum credi potuerit.

Copias, cùm decissent, de se ipso suffecit.

Ad Bestannium circumuentus ab hoste,

Cuius ut virtus terrorem,

Ita numerus desperationem incuteret,

Amplitudine mentis dissimulans angustias loci,

Perire potuit, timere non potuit:

Salutem malens virtuti debere, quàm fugæ,

Suo periculo mercatus securitatem tormentis,

Ita receptui cecinit,

Vt videretur ~~temeritatem~~ declinare, non pugnam.

Et à fronte petitus, & à lateribus,

Totus effusus in suos,

Se in eorum vnoquoque seruauit.

Admirationi hostibus, cùm iam vix posset esse timori,

Ipsum non vinci summam fecit esse Victoriam.

Gaudia sua lacrymatus est Carolus,

Cùm se ipsum recuperauit in Filio.

Mundi nomine gratulatus est sibi talem Hæredem;

Tumprimùm didicit qualis esset ipse bellator,

Cùm quos crudiret agnouit.

Mons Caluus expugnatus,

X 2

Vbi ne diuideret cum militibus gloriam,
Æquè Ducis, ac militis partes egit.

Victoris ferrum, quò minùs metere palmas pòsset,
Ne Ferrato quidem à monte retusum.
Eo decalunatus Mons Caluus est,
Cui frequentia Turrium comam fecerat.
Aix non deterius Viris munita, quàm muris,
Cum plures clauderet Hectores
Bellum vltra Decennium traxerat,
Nisi eam multiplex in Victore oppugnasset Achilles.
Paucioribus stetit illa diebus,
Quàm annis sperauerat.
Ne propugnacula quidem ipsa
Ausa coram Victore consistere.
Eo terram obsidente in aërem auolarunt.
Timere sibi Cælum à nouo Gigante potuerat,
Si manum, quæ Montes per inane torqueret
Minùs amicam aliquando sensisset.
De Nitrato puluere Cineres nati.
Concepit in visceribus suis terra Victoriā,
Quam mox in lucem edidit,
Per dira tormina facta parens.
Defensionis ardorem excitatus ignis extinxit,
Oppugnationis accendit:
Diffilum penitus causæ
Pro qua ne tellus quidem ipsa iam staret.
Vsq̃ue adeò Victores,
Ipsa etiam elementa sequuntur.

Pons ad Ticinum,
Quo paucis horis extracto,
Tantumdem nocuit hostibus,
Quantum profuit fœderatis.

Velocitas mentis in corpus vsque refusa
Eam Victori laudem adiecit,

Ut pari celeritate cogitarit agenda,
 Et egerit cogitata.
 Vbicunque necessarius, ibi præsens,
 Nec flumine, nec monte prohibitus
 Ire iam non est creditus, sed volare.
 Infensus semper Gallis Ticinus, ex quo scetus ab iis est,
 Inuidissimum Cricheium incluserat,
 Nisi Victor tantumdem habuisset in fide constantiæ,
 Quantum in agendo celeritatis.
 Flauio diuidente, quos fœdus iunxerat:
 Cum nec iam tutus saluti,
 Nec opportunus receptui pateret locus,
 Necessarium transuehendo militi Pontem,
 Non tam fieri iussit ipse, quàm fecit:
 Operosæ authoritatis miraculo
 Mensium labor paucis horis expletus..
 Accreuit Ticino tumor
 Ex tanti sudoribus Principis:
 Adhuc tamen in Artificis reuerentiam
 Pepercit Operi.
 Feralem in scenam probauit illicò Victor,
 Actorem se, non spectatorem venisse.
 Suum æquè opportunè disponens militem,
 Ac prouidè duxerat:
 Fœderatorum Victoriæ & occasio fuit, & causa.
 Quando tamen adhuc Gallo, & Hispano lis esset,
 Vter è conflictu victus abscesserit:
 Stetisset semper certa Victori, nec diuidentia cum alio
 De flumine superato Victoria.

Nouissima Regni sui
 Ab hostium inuasionè defensio;
 Quâ bellatores strenuissimos
 Pari virtute excepit,
 Maiori felicitate reiecit.

Felix Sabaudia, si pari studio Victor

Se ipsum defendisset, ac sua.

Bellorum incommoda propemodum solus ferens,
 Omnem à suis timorem excluserat,
 Nisi quos aliunde securos effecerat
 Esse coëgisset de se vno sollicitos.

Quassatum Regnum

Nullâ re magis, quam eius moribus stetit.
 Hosti non profuit auxisse diuidendo terrorem:
 Admiracioni cedere coëcta ferocitas,
 Deum aliquem oppugnare se credidit,
 Quem inueniret vbique.

Arces tentare seu timuerit, seu neglexerit,
 Potiora populorum munimenta

Sita vidit in Principe,

Qui securitatem dare mallet arcibus, quàm debere.
 Vallum, & aggeres

Quacunque Victor pergeret, secum tulit.

Laconum more suctus pro muro pectus opponere,
 Suorum timoribus adhibuit munimenta, non suis.
 Gaiusa Hispania est vel insensa de se tales exiisse

Quos nec ipsa iam vinceret.

Gratulata Regibus suis est tales Affines,

Qui eorundem mereri scirent amores,

Quorum etiamnum odia tolerarent.

Suprema ad Bulmidam Victoria,

Quâ mortis ipsius contraxit inuidiam.

Principem, quem vincere bella non poterant
 Oppressere Victoriæ.

Vna illi, & eadem causa immortalitatis, & mortis.
 Simulatione quæties

Nouos motus alliciens, quos reprimeret,
 Vel in ipsa venatione ferarum, venator hostium,
 Inclusis ad Bulmidam antè perniciem intulit,

Quàm terrorem.

Inuicti toties, & tam sæpe Victores,

Vnius

Vnius aduentu nunciato
 Seu causæ diffident, seu fortunæ,
 Fugæ consulere maluere, quàm famæ.
 Vacauit ignominia metus, qui caderet in constantes.
 Declinabantur non cuiuslibet arma, sed Principis,
 Quem vel inermem armati tentauerant sine fructu.
 Pugnat pro eo locus, & Dies,
 Qui natæ Virgini facer
 Tanto clienti Virginis non potuit non esse festiuis.
 Quæcunque fuerant potiora pugnæ futura præsidia,
 Tanquam fugæ impedimenta, relicta Victori.
 Saginavit inde ille præmissa ieiunia
 Magnarum mentium alimento.
 Spolia illa non tam cessisse hostem credidit,
 Quàm dedisse Mariam,
 Emerito natalitia Xenia bellatoris;
 Omine tamen infausto,
 Tormentorum accessione beata Sabaudia est.
 Aureum illa Principem
 Quocunque metallo redimeret.
 Mille cederet vno pro Victore Victorias,

Perdidisti doloris tui fructum, Viator,
 Nisi recedas melior, quàm venisti.
 Peractum Principis funus est,
 Tuum instat.
 Nec tu Altitudine tutior,
 Nec Victore fortior es.
 Mortuus ille securitate quâ vixerat
 Deum docuit timendum esse, non mortem.

Cohibeto fletum, Viator,
 Adhuc ipse post Principem lugendus es.
 Angusta spatia sunt,
 Quæ à mortuo moriturum distinguunt.
 Obscurius te manet funus,
 Nisi eidem de claritate Vitæ præluxeris.

Victor te doceat

Fati necessitatem vsu libertatis eludere.

In tuis potes operibus æternum viuere,

Qui in te ipso non potes.

Et hoc demum est funus, Viator,

Cui Cælum ipsum

Extemporaneâ illâ face præluxit.

Quæ apud superos Urbanitas est,

Summus Princeps noctu ad Deum properans

Præuiâ face deductus,

Ignorare tamen viam non potuit.

Quam annos supra quinquaginta calcasset.

Minori pompâ te fatum petit.

Apparatu nullo cùm veniat,

Caue ne superueniat imparato.

Illicet, exacta est Victoris fabula; Plausus.

Par tibi vt. obueniat, Prospice, Viue, Vale.

Sinsdem inuictissimi Principis Epitaphium.

Maio genitum florem

Iure suo Veris Cella custodit.

Sta, Viator, & lege.

Inter Bonos & Optimos securus es.

Victor Amedeus, Dux Sabaudia,

Princeps Pedemontanus, Rex Cypri,

Caroli Patris Virtuti Fortunam adiiciens,

Catharinæ Matris Pietati bellicum robur,

E Magno Maximus, ex Austriaca piissimus;

Vitam omnem morum armorumque fulgoribus

Illustrauit.

Pueritiam præcoci senio anteuertens,

Variis itineribus Europâ lustratâ,

Ex Hispania Regiam educationem,

Ex Gallia Regiam retulit Coniugem.

Conciliati

Conciliati Ludouici Regis Mariæ Matri
 Christiana præmium fuit,
 A qua mox prolem habuit pretiosam,
 Franciscum Hyacinthum, Carolum Emmanuelem,
 Aloysiam Mariam,
 Margaritam, Adelaïdem, Beatricem.
 In Ferreo sæculo vacare paci prohibitus,
 Pari laude bella sedauit, ac gessit.
 Pacata Sabaudia Nemorosæ Duce represso,
 Crepacorium expugnatum
 Duce suppetiarum oppresso,
 Mons Caluus paucis horis,
 Liguria paucis diebus edomita
 Eius rudimenta militiæ sunt.
 Ad Verrucam vulnere,
 Ad Bestantium supremo discrimine non exterritus,
 Æquè se fortem excipiendis hostibus,
 Ac sagacem declinandis exhibuit.
 Patri suffectus eundem dum amitteretur restituens
 Gliscenti Pestilentiaæ Æsculapius,
 Sæuienti bello Mercurius superuenit.
 A sanctissimo Urbano,
 A piiſſimo Ferdinando, à Iustiſſimo Ludouico,
 Ne propria quidem creditus capax erroris in causa
 Prudentiæ suæ merito eiſdem litis Actor, & Iudex,
 Regno nouam Prouinciã, ſibi nouam gloriam,
 Clarasco nouam de Pacis natalibus claritatem adiecit.
 Excitatis Deo templis pius,
 Palatiis ſibi magnificus,
 Quàm mitis in pauperes, tam ſeuerus in Hærefes,
 Dei amorem obſequiis
 Hominum admirationem beneficiis occupauit.
 Natum illum in Virgine ſi aliunde non noſſes
 Diuinaſſes ex moribus.
 Laborum patiens ſupra fortunam,
 Inedia, & Vigilæ ſupra naturam,
 Mirus excubitor ſui

Grauitatem morum vel ipsa leuitate motuum
Commendauit.

Hastam nouâ arce, Taurinum nouâ Vrbe,
Vercellas, Albam, Trinum, Momilianum, Nicæam

Nouis propugnaculis,

Senatum nouis legibus muniens,
Suos facere studuit, etiam se sublato securos.

Coactus bella gerere, quæ sedare maluisset,

Ad Ticinum hostium consilia

Paucis horis extructo Ponte destruxit:

Ad Tanagrum irruptiones

Viribus impar, par Virtute sustinuit:

Ad Bulmidam securitatem

Armis etiam adeptis puniuit.

Pessimo tamen omine prope flumina semper felix

Cum iisdem effluxit.

Vndequaque fortunatissimus,

Si qui alia omnia vicerat,

Victor temporis, Victor inuidiæ, Victor sui,

Mortem etiam vincere potuisset.



INFLATÆ



INFLATÆ VIRTUTES,
HOC · EST
CELEBRIORVM
GRÆCÆ, ET LATINÆ
ECCLESIAE EPISCOPORVM
F L O G I A.



*LOGIA hac edita olim Taurini, mox & Lugduni sine aucto-
ris nomine, in libello qui inscribitur,*

*Insulatæ virtutes in sanctissimis vtriusque
Ecclesiæ Patribus expressæ, & in aduentu Illustrissimi
Archiepiscopi Antonij Prouanæ Rhetorum opera expositæ in
Collegio Taurinensi Societatis IESV.*

*Recognouit Auctor, & ab erroribus plerisque qui passim obrepserant
expurgauit.*



Augustini Hipponensis

E L O G I V M.

AVrelius Augustinus
Octauo. decimo Constantij anno natus
Non nisi Theodosij decimo viuere cœpit.
Primam ætatis partem ne quæras;
In Cœno perdidit.
Felix qui demùm scierit amissa redimere,
Felicior qui potuerit.

Z 2

Vera gaudia auspicatus à gemitu,
 Iniciandus sublimioris doctrinæ Magister
 Librum è Cœlo iubetur accipere:
 Sordes suas speculatus in pagina,
 Ut eas vel obrueret, vel elueret,
 E Matris oculis lacrymas transtulit in suos.
 Sibi, Matri, & Patriæ redditus
 Tenebras suas dum in lucem edidit, illustravit.
 Nunquam videlicet Solem puduit è tenebris erupisse.
 Nullius honoris avidus, omnium capax,
 Meruisse contentus, habere contemplerat,
 Nisi plus merita, quàm demissio potuissent.
 Æquè scribenda faciens, ac legenda describens,
 Moribus suis fidem ornavit,
 Stylo defendit.
 Veritatis amantior, quàm sui,
 Defecavit infectam, refecit extinctam.
 Vtilis, dum errores retereret alienos,
 Sincerus dum nec tegeret suos.
 Homine maior in diuina consurgens,
 Ita Deum descriperat ac si vidisset,
 Nisi angustias suas
 Augustum etiam sensisset ingenium.
 Iamque non habens vltra quod disceret, vel amaret,
 Æquè annis, ac meritis grauis,
 Obsessa ex Vrbe migravit in Cœlum.
 Felix Africa,
 Si crebrius huiusmodi monstra proferres.

Ambrosij Mediolanensis

E L O G I U M.

Ambrosius re quàm nomine dulcior,
 Mel ante habuit in ore quàm voces.

Auorum

Aurum gloriâ nobilis, nobilior suâ,
Christianus antè cœpit esse, quàm fieret.

E Prorege destinatus Antistes,
Subiratus virtuti suæ, quod latere nesciret, effugerat,
Si eum sola hominum suffragia delegissent.

Laboribus suis alienos absumens
Nulli non intimus, omnium sensit incommoda.

Ita miseros audiens, ut felices dimitteret,
Ita feliciores admonens, ut linqueret infelices,

Principibus æquè carus, ac utilis

Veneratus ut Patres, correxit ut Pater,
In hoc verendus, quod contemneret neminem;

In hoc timendus, quod neminem formidaret.

Christi causam reputans suam

Ut depressam erigeret, sæpe depressus,
Facundiâ hostes deterruit, constantiâ fregit.

Aures suas obstruens nulli.

Vocem omnibus exhibens,

Fecit incertum,

Audiendone magis profuerit, an dicendo,

Vocem virtute corroborans,

Disertissimus etiam cùm taceret,

Nunquam auidiùs optabatur audiri

Quàm cùm diutiùs esset auditus.

Probis factus Asylum, flagellum improbis,

Urbem suam eò meliorem reliquit,

Quò deteriore accepit.

Deficiente naturâ nulli deficiens,

Ita Præsulem se esse meminerat,

Ut senem se esse nesciret.

Quorum mores expresserat, veneratus exuias,

Exhibitos aliis honores promeritus,

Vitam mutavit, cùm est vicius amittere.

Paulini Nolani

E L O G I U M.

PAulinus ad felicitatem Italiae natus in Gallia,
 Optima quæque cum posset, elegit,
 Cum non posset, quæ eligere potuisset, accepit.
 Illis è Parentibus ortus,
 Qui talem mererentur hæredem,
 Ita quæsiuit ex moribus claritatem
 Ac si nullam ex Natalibus habuisset.
 Musis amicus
 Ut earum leuitatem grauitate corrigeret suâ,
 Poëtam solo exprimens nitore carminis,
 Artem omnem virtuti vestrigalem effecit.
 Assequutus Vxorem, quam tales decerent nuptiæ,
 Ut omne vitæ genus suis erudiret exemplis,
 Sponsam Christo potius visus est accepisse, quam sibi.
 Diu peregrinatus, ut luci suæ latebras quæreret,
 Quò se magis circumageret magis accensus,
 Illis se prodidit artibus, quibus abdere studuisset.
 Cum omnia eriperet sibi, ut in egenos effunderet,
 Coactus vnà cum opibus operam suam
 Nolanis impendere,
 Ita salutem curauit animorum,
 Ut non negligeret corporum.
 Aliorum nunquam oblitus, sui sæpe non memor,
 Vsurpare sibi non appetens
 Nisi omnium calamitates,
 Quem in se vitæ amorem extinxerat,
 Excitauit in suis.
 Interceptus à Barbaris,
 Ne melior sua esset, quam suorum conditio,
 Omnium infelicitissimus, si vlllo felicior extitisset,
 Nunquam se miserum doluit,

Nisi

Nisi cū æumnarum socios habere se vidit.
Libertati redditus, libertate suâ redemit alienam.

Nunquam liberalior,

Quàm cum non haberet vltra quid daret.

Ex Africa in Italiam, ex Italia reuectus in Cælum,

Felicitatem, quam suis viuendo creauerat,

Abstulit obeundo.

Præfulum norma, quod ira vixerit,

Gloria, quod ita scripserit.

=====

Cypriani Carthaginiensis

ELOGIUM.

CYprianus vt Africa geminaret ardores
Natus in Africa,

Nôbilitatem quam nascendo meruerat

Viuendo fecit amplissimam,

Immortalem reddidit obeundo.

Æquè fecundus ingenio, ac facundus eloquio,

Nunquam discere renuens,

Nunquam dedignatus docere,

Suum etiam Carthagini Tullium dedit,

Vt quando ~~deserere armis cum Roma contendere,~~

Eam conaretur facundiâ superare.

Nihil se scire reputans,

Cū Deum se ignorasse cognouit,

A Cæcilio, & fidem accepit, & nomen;

Futurus Maximus, cū Christi quæreret gloriam,

Qui iam ita Magnus extiterat,

Dum tantū quæreret suam.

Sibi vni vtilis esse iam nesciens,

Deo ingratus esse iam nolens,

Acceptam lucem ita diffudit in cæteros,

Vt in se non minueret, sed augeret.

Diuinam inuenit.

Errore suo felix,

Qui pernicioſa quærens, inueniſſet vtilia.

Nequitiam execratus, vbi primùm agnouit,

Eò citius virtutum iter abſoluere ſatagens,

Quò ſeriùs inchoauerat,

Monſtri loco cœpit haberi,

Seu quod ſine noxa iam viueret,

Seu quod ſine erroris ſuſpicionem doceret.

Quam vnã à Deo acceperat filiam, eidem deſpondens,

Sibi maluit ablatam videre, quàm ſponſo,

Nunquam viſus hilarior,

Quam cum Deum huiuſmodi nuptiis ſibi fecit affinem.

A Pictauieniſibus,

Contra errorum Antefignanos electus in Ducem,

Cum ab hoſtibus nec tolerari, nec vinci poſſet,

Relegatus in Phrygiam,

Nouum Solem ab Occidente in Orientem reduxit.

Stylo decertans cum vltra voce non poſſet,

Quod hoſtes minarentur appetens,

Quod pollicerentur contemnens,

Iis ipſis, qui timeri voluerant, cœpit eſſe timendus:

Perditum Principem accuſans voce, condemnans moribus.

Ab eo Patriæ reſtitutus, magis indoluit

Quòd rediret, quàm quòd abiſſet,

~~Pugnare ſe pro veritate vix reputans,~~

Quòd non occubiſſet in Pugna.

Absentiæ ſuæ damna rependens

Laboribus ſuis beauerat Gallias, Authoritate defenderat,

Niſi Cælo pretioſior extitiſſet,

Quàm vt diutius linqueretur in terris.

*Martini Turonensis**ELOGIVM.*

Martinus Constantij miles antequàm Christi,
Nescias an militiam laudabiliùs adierit,
An abiecerit.

Gloriam non minus ex moribus appetens,quàm ex armis,
Fortitudine militem retulit,Moderatione Monachum;
Christo iam militans

Cùm nondum merere mundo cessasset;

Nudus esse malens,quàm parum pius,

Dei beneficentiam prouocans suâ,

Chlamydis parte totum emit Empyreum.

Cum in fures offenderet,suâ securitate defensus,

Illis nequitiam eripuit,

Qui vitam sibi rapere studuissent:

Æquè beneficus cùm hæc adimeret,

Ac cùm traderet meliora.

Nihil ab Erebo metuens,nihil à Cœlo non sperans,

Cùm viuos bene mori doceret

Mortuos ipsos bene viuere docuit:

Homine maior,

Seu vitam daret animis,seu redderet membris.

E Cœnobio coactus ad Insulas,

Cùm nemini deesse curaret,Monachus esse non desit,

Non magis admirandus cum chlamydem diuideret,

Quàm cum hæc ita diuisa connecteret.

Cùm miseris donaret omnia,

Molestis omnia condonaret,

Nihil habens quod Dei causâ non daret,

Nihil appetens quod à Deo non acciperet,

Illustrauit virtute prodigia,prodigiisque virtutem.

Ita reueritus homines ac sitimuiisset,

Ita Deum,ac si non amasset,

Se

Se vnum habuit, quem contemneret,
 Vnum, quem non amaret.
 Laborum nunquam avidior quàm cùm diutius laborasset,
 Cùm inter homines nihil nisi Cæleste saperet,
 Inter Cælites nil humanum:
 Ita voluerat in Cælis gaudere cum Deo,
 Vt non desineret in terris desudare cum suis.
 Votorum licem componens totus non elatus in Cælum,
 Nescias vtiliorne terris fuerit, an Cælo carior.

Remigij Remensis

E L O G I V M.

Remigius ingens Gallix prodigium
 Ingenti prodigio natus est.
 Vitam à prodigiis inchoans, in prodigiis transigens,
 & absolvens,
 Hoc primum edidit in Orbe prodigium,
 Quod sterile parentis senium fecundauit.
 Non deterior esse cùm cœpit
 Quàm promissus fuerat antequam esset.
 Lacte quod suxerat cæco reddidit oculos,
 Agente Deo,
 Vt cum noua luce noui etiam oculi nascerentur.
 Primâ in ætate inchoans, quod perficeret in extremâ,
 Crederes è senibus senem natum esse, non puerum.
 Ne cautior esse desineret, elapsus ad cautes,
 Se Victorem facere studens,
 Vbi præter se nullus erat quem vinceret,
 Se vnum impugnans de se etiam triumphauit.
 Dignus, quem cogerent præesse Remensibus,
 Cùm se ita bene præesse cogeret sibi.
 Adolescentiam præcoci senectute nobilitans
 Labores suos, quo inchoauit ardore, confecit;

Nunquam ad metam aspirans,
 Quod nullam pateretur habere.
 Igneum credidisses,
 Nisi quod excitatos sæpe ignes extinxit.
 Peccata nesciens, nisi ut corrigeret,
 Arumnas omnium scire cupiens ut curaret,
 Dei largitatem implorans, cum humana deficeret,
 Cælum telluris alumnis,
 Terram Cæli donis impleuit.
 Inuictissimum Regem Christi Regno subiiciens,
 Galliam vniuersam Cælo vectigalem effecit.
 Regibus maior, cui tam multa licerent in Reges.
 Extrema in ætate cæcutiens,
 Vt cæcitatem & curare, & tolerare se potuisse probaret,
 Vnum in ea dignoscens commodum,
 Quod se melius videre iam posset,
 Tandem oculis Deum reddens, animum Deo
 Ita migravit è viuis,
 Vt adhuc in tumulto viuere videri posset.

Eusebij Vercellensis

ELOGIUM.

Eusebius Vercellensis
 Non ad vnus gloriam Prouinciæ natus,
 In Sardinia animam, in Latio fidem,
 In Insubria palmam accepit.
 Romano Pontifici à Matre creditus Puer,
 Vt sub eodem Præceptore
 Et Eusebius erudiretur, & Mundus,
 Cuius virtutem acceperat, accepit & nomen.
 Romæ se dignum non reputans,
 Nisi additissimam spectaculis Urbem,
 Nouo spectaculo pasceret:

Virgutes

Virtutes omnes in se tanquam in theatro circumtulit.

Cum ipse Romæ, non ipsi Roma sufficeret,
Monachorum mores è Græcia in Italiam deuchens,
Nouæ Philosophiæ & Auctor esse meruit, & Idea.

Vercellas accitus

Vt Urbem antiquissimam suâ innouaret industriâ,
Nolens ita vacare cæteris, vt sui se vellet oblitum,

Dignus visus est, vt qui præiuerat Monachis,

Præiret Episcopis.

Vt virtutes meteret, vitia demeterens,

Vt veritatem firmaret, errores eneruans,

Illis diù placere non potuit,

Quibus æquè virtus, ac veritas displiceret.

Athanasium damnare renuens

Ne in illo se ipsum damnaret,

Maluit cum eodem reus abire,

Quàm iudex in eundem sedere.

Infelix Italia

Si quem daret Athanasio socium non habuisset.

Ita exilium tolerans, vt videretur optasse,

Ita suos litteris roborans, vt vix crederetur abesse:

In pessimi Principis funere reuiuiscens,

Urbi suæ redditus, eam reddere studuit veritati.

Iterum tamen frementibus iis,

Qui æquè in se, ac in aliis probitatem odissent,

Multiplici supplicio deleri potuit, non terreri.

Dignus qui veritatis annos æquaret,

Qui obrutæ superesse noluerit veritati.

Thomas Cantuariensis

E L O G I U M.

Thomas Cantuariensium Athanasius

In Patriæ natus incendio,

Cc

Nunquam aut frigidus esse potuit, aut obscurus.
 Equè naturæ, ac hominum beneficentiam expertus,
 Ita Regi placuit, vt alterum penè faceret Regem,
 Ita Deo, vt alterum penè redderet Deum.

Cùm ita placeret omnibus, sibi vni non placens,
 Et Regis, & Dei suffragiis factus Antistes,
 Eò deuenisse se doluit,

Vbi & Deo placere non posset, & Regi.
 Quò sublimiùs ascenderat, eò studens clariùs emicare,
 Mutuatus à virtutibus radios, esse cœpit illustrior,
 Quàm vt posset ab inuidorum oculis tolerari.
 Principum legibus obstare paratus, si diuinis obstarent,
 Cùm Regi dare non posset, nisi quod eriperet Deo,
 Ingratus videri maluit, quàm esse.

Cedentibus cæteris

Quod vnus & sibi sufficeret, & veritati,
 Aulæ iam grauis quia leuis esse nesciret,
 Ibi diutiùs esse noluit,

Vbi secum veritas liberâ esse non posset.

Nobilis exul vbique Patriam inueniens,
 Optimam causam tolerantia suâ meliorem effecit.
 Nunquam memor iniuriæ nisi vt condonaret,
 Suorum ærumnis indoluit, non doluit suis.
 Tempori seruiens, vt Deo seruiret impensius,
 Inter Monachos ita vixit in syluis,
 Ac si nunquam inter Aulicos vixisset in vrbibus.

Corpori suo ea inferens damna,

Quæ vix voluisset Tyrannus,

Exilium sæpè permutans, animum nunquam.
 Reuocatus in Patriam, vnde parricidio pelleretur,
 Maluit adulatorum gladiis inter aras occumbere,
 Quàm adulator in Aula regnare.

Caroli Mediolanensis

ELOGIUM.

Carolus Borromæus .
 Natus cum nouo lumine geminus,
 Se tenebrarum non esse filium vel nascendo probauit.
 Auorum gloriæ memor, vt eam geminaret in sua,
 Se talem exhibuit in pueritia,
 Qualem optasset in senio.
 Virtutum iter nescias an absolvere potuerit sanctius,
 An inchoare maturius.
 Infra probitatem nil habens litteris carius,
 Probitate nil reputans pretiosius
 Cum artes non appeteret, nisi quas optare debuerat,
 Obtinuit quas optarat.
 Pio Quarto affinitate carus, virtute carissimus,
 In Atlantis suffragium nouus accitus Alcides,
 Etiam sine socio Mundum ferre se potuisse probauit.
 Non tam alienæ beneficentiæ, quàm meritorum suorum
 suffragio .
 Purpuratis adscriptus,
 Iure dubites an maiorem dignitati contulerit,
 An à dignitate retulerit dignitatem.
 Vt Patriam virtuti redderet, Patriæ redditus,
 Nunquam mentem suam accuratiùs coluit,
 Quàm cum etiam coleret alienam;
 Virtutum semina, voce, manûque iaciens,
 Sudore, ac lacrymis alluens,
 Dignam laboribus messem obtinuit,
 Dignam Messè mercedem accepit.
 Vt securius quiescerent sui, quietem adimens sibi,
 Venalis omnibus si pretium habuisset,
 Nescias an verius omnium Pater esset, an seruus.
 Animi sui nitorem in templis exprimens,

Capacitatem in donis;
Vt auri prodigus, ita vite minimum tenax,
Quàm non amaret vtrumque in pestilentia demonsttrauit.
At non ita Carolum amauerat Deus,
Vt Caroli gregem odisset.
Vitam accipere renuens, quam adicipere solam non posset
Mori volentem coëgit viuere,
Donec fatigari nescium,
Terris eriperet, Cælo redderet.
Gauisus in ætate tam ferrea
Aureum sibi hominem reuixisse.

Donati Aretini

E L O G I V M.

DOnati si vitam discutias
 Deo natum credas esse non mundo.
 Martyrum filius, ut Martyr dedicaretur in Patre,
 Aequè Martyrem dicas cum Patris adesset suplicio,
 Ac cum occumberet suo.
 Sibi relictus, & Deo,
 Quem iam & Praeceptorem haberet, & Patrem,
 Ita mores perficere potuit suos,
 Ut dignus videretur qui & perficeret alienos.
 Undequaque mirandus,
 Quod mortuis vocem daret, & vitam,
 Cum vitrea vasa connecteret, vitreos homines solidaret,
 Tenebrarum filiis luce displicens suâ
 Est detrusus in tenebras,
 Nunquam illustrior, quam cum omni aliâ luce careret.
 Tyranni tormenta tolerare paratior, quàm timere,
 Maior visus est, quod ea siccis exciperet oculis,
 Quàm quod siccis vestibus pluuias.
 Deo tandem reddere cupiens, quod ab eodem acceperat,
 Maluit capite carere, quàm fide.

Apollinaris Rauennatis.

E L O G I U M.

Apollinaris ita sub Petro Præceptore profecit,
 Ut alterum penè crederes Petrum:
 Umbra igitur Petri cùm esset,
 Quidni omnia pelleret mala?
 Cæcorum aperiens oculos,
 Cum tamen videri minimum vellet,
 Veritatis lucem, & oculis instillauit, & animis.
 Senes bene mori docens, pueros optimè viuere,
 Cùm messem suam Rauenna non caperet,
 Sæpe pulsatus, & pulsus ignem calcare non horruit.
 Eam expertus in igne clementiam
 Quam omnes experirentur in ipso.
 In Etruria à Muto vocatus,
 Et linguam dedit, & reddidit mentem:
 Nunquam facundior,
 Quàm cùm mutos faceret, vel tacendo facundos.
 Prodigiiis proditus suis
 Cùm se nulli curaret prodere,
 Mortuos excitans vt bene doceret viuere,
 Nullo victus supplicio, quod omnia sperneret,
 Æquè se fortem exhibuit, ac Nero ferum.
 Mari commissus,
 Vt in omni Elemento suum robur imprimeret,
 Acerbiùs iactatus in terris, quàm fuisset in mari,
 Lictores quos fatigauerat in Italia
 Sanguine suo satiauit in Thracia.

Maximi Taurinensis
E L O G I U M.

Maximus Taurinensis
 Capacissimi mensuram nominis factis exæquans,
 Se etiam in minimis Maximum fecit.
 Magnitudine suâ omnium oculis proditus,
 Nunquam se maximum doluit,
 Nisi cùm omnium minimus esse non posset.
 Ideo se maximum negans,
 Quod se in dies facere studeret maiorem,
 Dignam magnitudine suâ sedem
 Dignè potuit occupare.
 Ingenij claritatem eloquij nitore componens,
 Vtrumque innocentia candore perfecit.
 Equè in dicendo fugiens, ac in agendo peccata,
 Urbem suam Augustam si non inuenisset effecerat;
 Tandem cùm Cælitum vitam transtulisset in terras,
 Dignus visus est, qui transferretur in Cælum.
 Beata Ciuitas quæ talem habueris,
 Beatior, quæ merueris;
 Beatissima, quæ semel amissum tam sæpe recuperas
 In lectissima Maximorum Antistitem serie.

Anselmi Cantuariensis
E L O G I U M.

Anselmum Augustæ Prætoris Cælum dedit,
 Cælo Anglia reddidit.
 A vitiis ætatem exorsus, in virtute confecit:
 Miserandus quod ita cœperit,

Mirandus

Mirandus quod ita desierit.
 Sæpe cum Patre rixatus, sæpius secum,
 Æquè nescius quid eligeret, ac quid optaret,
 Tandem mores vnà cum solo mutauit.
 Eò velociùs virtutis iter emensus
 Quò se ab illa nouerat remotiorem,
 E Cœnobio vocatus ad Insulas,
 Nescias an Monachi partes accuratiùs impleuerit,
 An Episcopi.
 Regis perfidiam vtiliter carpere malens,
 Quàm perniciosè lactare;
 Pacem non amans, quæ cum æquitate pugnaret,
 Minus felix esse maluit,
 Quàm minùs fortis videri.
 Iterum reuocatus, iterum pulsus
 Regis duritiem duritie retudit suâ.
 Immortalitatem & stylo, & virtute promeritus,
 Oppressam angustiis vitam cum meliore mutauit.

~~~~~


### *Maurilij Andegauensis*

#### E L O G I U M.

**M**aurilij si Patrem spectes, aut Patriam,  
~~Vix credas nasci nobilius potuisse;~~  
 Si vitam speculeris, ac mortem,  
 Dubites an potuerit viuere sanctior,  
 An obire securior.  
 Felix, quod Ambrosium, & Martinum audierit,  
 Felicior, quod expresse-  
 rit.  
 Profectus in Gallias,  
 Vt nouum daret Galliis Thaumaturgum,  
 Eas & prodigiis illustrauit & meritis.  
 Cùm æquè ille omnibus,  
 Ac illi omnes subesse percuperent,  
 Se vno gemente factus Antistes,

D d 2

Auxit vnà cum dignitate prodigia.  
 Peccata deestatus vbi erant, veritus vbi non erant,  
 Cùm in se certa punire nequiret, dubia puniit :  
 Sui nimium rigidus Censor,  
 Quod totam lenitatem suam seruaret aliis.  
 Ab exilio, quo se ipse multauerat  
 Prodigio reuocatus,  
 Cùm iam septennium mortuos excitaret è tumulis,  
 Homo esse desiit, quod iam Deus apud homines  
 Esse cœpisset.



*Fulgentij Ruspensis*

*ELOGIUM.*

**F**ulgentium nescias an ex fulgure,  
 An ex fulgore deducas :  
 Fulgoribus suis bonos attrahens, malos exterrens,  
 Fulgere, cùm nunquam desierit,  
 Sæpe non desiit fulgurare.  
 In Africa natus,  
 Nouum ex Africa monstrum eduxit,  
 Hominem videlicet,  
 In quo nec quid humanum aspiceres, nec quid ferum.  
 In Christi Domo malens inquilinus esse,  
 Quam in sua Dominus,  
 Æquè inter Monachos, ac inter Episcopos docuit  
 Omnia virtutem agere  
 Omnia posse etiam tolerare.  
 In Sardiniani relegatus,  
 Quod gemini Solis ardores Africa pati non posset,  
 Cùm se antequam pelleretur exulem crederet,  
 Mutauit exilium, Patriam non amisit.  
 Ruspensibus redditus,  
 Vt omnes sibi similes faceret,

Se nulli dissimilem fingens,  
Immortalitatem & sibi acquisivit, & suis.

*Aloysij Tolosani*

E L O G I U M.

**A**loysius è Rege natus ad Regnum  
Nunquam se Regem credidit,  
Nisi cum se subderet sibi.  
Mundo iam utilis cum vix erupisset in mundum,  
In captivi Parentis locum suffectus puer,  
Carcerem suum eruditione multiplici Lycæum fecit.  
Quò arctius tenebatur in terris,  
Eò liberius in Cælum euolans,  
Optimam mentem nec vinci, nec vinciri posse probavit.  
Non ideo innocentiam minuens,  
Quod ætatem augeret,  
Sui Regnum Regno nobiliter reputans suo,  
Vt se omnium maximum faceret,  
Inter minimos omnium minimus haberi voluit, non esse.  
Coactus Tolosani præesse,  
Quandoquidem ad Imperium natus erat,  
Nescius an se omnium servum factum crederet,  
~~An omnium Patrem.~~  
Vt vitam produceret alienam, contrahens suam,  
Meritis addens quod annis adimeret,  
Virtutum iter, quando alius inchoasset, absoluit.

*Athanasij Alexandrini*

*ELOGIUM.*

**A**thanasij virtus senilis in Puero,  
 Puerile nihil vnquam habuit præter ætatem.  
 Antonij Magni discipulus  
 Sub Chirone altero Christianus Achilles  
 Nescias an plura didicerit, an docuerit.  
 Veritatis amantior, quàm quietis,  
 Vt reduceret exulem remeavit in Patriam,  
 Æquè infensus Ario, ac Arius Christo,  
 In omnibus ab eodem dissentiens,  
 In hoc vno consensit  
 Quod vterque Athanasium noller Episcopum.  
 Vtroque tamen inuito coactus ad insulas  
 Omnium amorem promeritus  
 Quia satis amari non poterat, incurrit in odia.  
 Ab hostibus delatus ad hostes  
 Nunquam non agnitus innocens,  
 Sæpe damnatus vt nocens,  
 Sedem maluit mutare, quàm syllabam.  
 Principum iras ideo non metuens quia ferre poterat,  
 Constantino non placuit quia minus notus,  
 Constantio, Iuliano, Valenti, quia non ignotus,  
 In hoc etiam cum Veritate conueniens  
 Quod Regibus displiceret  
 Sed hostes suos  
 Ideo in Athanasium Deus allisit, vt frangeret.  
 Reuocatus ab exilio vt iterum pelleretur,  
 Æquè triumphans cum cederet, ac cum rediret:  
 Herculi suppar,  
 Non vnum laboribus suis fatigauit Euristheum.  
 Sæpe quæsitus ad necem, semper ad duriora seruatus,  
 Bonorum vota præferens suis,

Inuisum

Inuisum inuidis lumen, ne extingueretur, abscondit.

Arenti diu clausus in puteo

Illum impleuerat lacrymis, nisi desiccasset ardoribus.

Malens cum mortuis, quàm cum perditis viuere,

Eius in tumulto vitam deposuit suam,

A quo vitam acceperat,

Sciens nullum tutius commissa seruare, quàm qui dedit.

Hoste deficiente quem vinceret, reuocatus è pugna,

Suis quietem peperisse contentus, eâ perfrui noluit,


Tunc primum mori cupiens,

Cùm vitam potuisset amare:

Homine maior

Qui se in hoc vno probavit hominem

Quod pati posset.



### *Ioannis Chrysostomi*

#### *E L O G I U M.*

**I**Oannes eloquentiâ aureus, tolerantia ferreus,  
Pretiosior fortasse quod ferreus, quàm quod aureus,

Nescias ubi cœperit esse sanctissimus,

Aut quando desierit.

Bonas artes cùm disceret, docuit meliores,

Iam inde magnus, vnde esse vix cœperat.

Syluiscere metuens recessit in syluas

Exuturus inter feras

Si quid ferinum induerat inter homines.

Alienis clarus in oculis, obscurus in suis,

Vrbes dum fugeret, Vrbes in Eremum attraxit:

In hoc vno cum virtute rixatus,

Quod latebras impediret.

Se vno dolente reuocatus in Patriam,

Non minus in dicendo, quàm in agendo disertus,

Nescias an plures virtuti dederit, an reddiderit.

Se felicem non reputans,

E c 2

Nisi cū miserorum causas assumeret,  
 Facundum, nisi cū vinceret,  
 Nullius aurum appetens, omnium animos acquisiuit.  
 Collatas à Bizantiis Infulas  
 Ideo accipiens, quia recusare non poterat,  
 Vtilior esse studuit, quàm videri.  
 Sibi vni durus, quò mitior esset in cæteros,  
 Salutis omnium memor, dum non immemor suæ,  
 Securitatem quam daret aliis rapuit sibi.  
 Sed monstrum erat si tanta virtus inuidis caruisset:  
 Qui perditos nec tolerare poterat, nec corrigere,  
 Quia eorum non incurrit in mores,  
 Incurrit in odia;  
 Ideo hostis habitus, quia dissimilis.  
 Semel atque iterum à barbaris pulsus ad barbaros,  
 Quòd tantum hominem vrbs vna non caperet,  
 Plura ferre cupiens, quàm hostis inferre,  
 Veram Patriam,  
 Cū in exilium properaret, inuenit:  
 Vir in omnibus aureus,  
 Nisi quod avaris placere non potuit.

\*\*\*\*\*  
 \*\*\*\*\*

### *Gregorij Thaumaturgi*

#### *E L O G I U M.*

Gregorius Octauum in Orbe miraculum,  
 Omnia in se vno miracula copulauit.  
 Sub frigido Cælo natus, vt illud ipsum incenderet,  
 Origene præceptore dignus Auditor,  
 Eum æquauit ingenio, meritis vicit.  
 Accusatus ab inuidis,  
 Se prodigio non voce defendit;  
 Magis mirandus quod vlisci se noller,  
 Quàm quòd posset.

Ex

Ex Ægypto regressus in Patriam,  
 Peculiarem domum habere noluens,  
 Vt omnes haberet,

Cùm nihil amaret in mundo, possedit omnia.  
 Ita imperans sibi, vt imperare mereretur & Dæmoni,  
 Vt nutantem firmaret, scopulos per inane circumagens,  
 Difficilius moueri sæpe mentes, quàm montes expertus,  
 Quidquid optare potuerat visus est impetrasse.

Commune factus Oraculum Oraculis vocem ademit,  
 Solus dignus audiri,

Qui prodigia æquè loqueretur, ac faceret.

Quid posset in mundo Gregorius,

Ideo mundus credidit, quia vidit:

Multa tamen cùm fecerit admiranda,

Nihil se ipso mirabilius facere potuit.

Monstrum omnium maximum,

Vt in tanta diuinitate, tanta copularetur humanitas.

Omnes cùm vellet optimos

Se voluit omnibus meliorem;

Ita sibi vacans, ac si cæteros neglexisset,

Ita aliis ac si se ipse negligeret:

Suorum virtute iam notus, notior suâ,

Cùm vix sanctius viuere posset

Diutiùs viuere noluit:

Nunquam mortalis creditus,

Nisi cùm re ipsa visus est mori.



### *Basilij Magni*

#### ELOGIVM.

**B**asilius Magnus

Eruditorum Optimus, Optimorum eruditissimus,

Cùm fuerit in nullo non maximus,

Dubites in quo maior esse potuerit.

Sanctissimorum Parentum sanctissimus filius,

F f



In se perficiens quòd cœptum erat in suis,  
 Maiorum probitatem maiorem esse potuisse probauit.

Nequitiam execratus antequam nosset,

Virtuti suæ collactaneus, & coæuus,  
 Nescias an eam ex institutione traxerit, an ex vtero.

Disciplinas aptus ad omnes, propensus ad singulas,

Humaniores artes in se diuinas effecit,

Diuinas verò humanioribus perfici posse probauit.

Nazianzeno carissimus, quia simillimus

Se ipsum in se despiciens, in amico suspexit.

Virtutes ita colens singulas,

Ac si non appeteret vniuersas:

Extra Patriam diu, extra se nunquam,

Præceptores suos melioribus imbuir artibus,

Quàm fuerat ab ipsis imbutus.

Magis assentantium laudes

Quàm inuidorum calumnias fugiens,

Extra omnium oculos ita se omnium oculis

Dignum effecit,

Vt non deterius Monachi normam expresserit quàm Episcopi.

Virtutem non ideo adimens sibi, quòd daret aliis,

Se ipsum perficiendo, perfecit & cæteros.

Ad suadendum idoneus,

Qui quæ diceret suis probare posset exemplis.

Diuitias negligens nisi quas erogaret in Pauperes,

Omnium se Patrem fecit, & seruum.

Pluris æstimans veritatem quàm Principum gratiam,

Illius dignitatem defendit acrius,

Quàm alij suam.

Quò propius ad metam accesserat,

Eò alacrius cursum intendens,

Vigiliis suis sopitos excitans, ieiuniis famelicos pascens,

Cum nec amaret viuere, nec timeret obire,

Hominum effugit ex oculis, non effugit ex animis.

Felix, cuius in vita nihil arguere valeas,

Nihil in doctrina damnare.

*Gregorij*

*Gregorij Nazianzeni*

E L O G I U M.

**G**regorium Nazianzenum  
 Parentum pietas mundo promeruit,  
 Dei beneficentia dedit.  
 Ita natus est, vt degenerare si nollet  
 Malus esse non posset:  
 Ita vixit  
 Vt imitari qui vellet, peccare nequiret.  
 Inter optimos educatus ad optima,  
 Se pessimum reputans quoties non faceret meliorem,  
 Adultam virtutem antequàm polliceretur exhibuit.  
 Bonarum artium avidus, malarum incapax,  
 Vt Mineruam raperet, Athenas profectus,  
 Ita eam coluit, vt mereretur habere;  
 Ita habuit, vt à nullo dedignaretur accipere.  
 Basilio magno studiis, & animo suppar,  
 Iulianum odit, etiàm cùm videretur amandus;  
 Ita de moribus iudicans alienis,  
 Vt non officeret suis.  
 Nullius renuens esse discipulus,  
 Omnium ingenia collegit in suo,  
 Docere nunquam desinens seu diceret, seu audiret.  
 Aequè bene dicendi,  
 Ac bene viuendi arte conspicuus,  
 Quo se meliùs agnosceret cupiens ignorari,  
 Quam nunquam amiserat innocentiam  
 In Ere mò quæsiuit.  
 Vocante tamen Patre, cogentibus meritis  
 Tractus ad insulas,  
 Nescias an laudabiliùs oblatas reiecerit,  
 An acceperit.  
 Alienis facundus in laudibus, mutus in suis,



Tantæ vrbis titulis addidit, quod tantum hospitem excepisset:

Inde profectus in Gallias

Immensam urbem vrbe maior impleuit.

Ita in diuina delatus,

Vt ablatus crederetur humanis;

Mercedem nullam appetens nullâ non dignus.

Deuota Cælo victima sacerdotum gladiis exhibetur,

Et feris obiectus, & flammis

Se vtrisque fortiorem ostendit.

Variis tentatus suppliciis,

Cùm nullum mereretur, nullum exhorruit.

Tandem fremente Tyranno, plaudente Cælo,

Elatus in montem ne tantæ laterent faces,

Ceruice non animo diminutus, edocuit,

Virtuti vitam non eripi, nisi velit amittere.

Diuinissimum caput in terras deprimi nolens,

Cùm iam in Cælo non esset, esse cœpit in manibus :


Perire nesciens,

Quod tam bene viuere didicisset.

Beata Gallia,

Quæ Præceptorem habere merueris,

Qui diuina æquè docere potuerit, ac parare.



*Clementis Ancyran*

E L O G I V M.

**C**lemente Ancyrano

Nullum virtus defendit æquiùs,

Nullum exercuit duriùs.

**A**Sophia Matre sanctiori Philosophiæ genitus,

Quandoquidem à deteriori vtero

Venire non poterat tanta Constantia,

Nulla in se admittens peccata, omnia ponens,

Martyr videri potuit antequàm esset.

Gg

Nondum adolefcens, iam tamen Pauperum Pater,  
 Omnibus melior, omnibus præfici meruit:  
 Nunquam demiffior cæteris,  
 Nifi cum efle potuiffet elatior.  
 Diocletiani furiis interceptus,  
 Octauum fupra vigefimum annum exegit in pœnis,  
 Agente Deo,  
 Vt quando erat in mundo feritas, quæ omnia infligeret mala,  
 Effet & charitas, quæ omnia toleraret.  
 Sæpe in frufta concifus, nunquam non integer,  
 Cum per nulla vulnera  
 Nimiùm ingens animus poffet exire.  
 Tandem fuis redditus,  
 Dum hofciam Deo daret, Dei hofitia factus,  
 Geminâ victimâ facrificium vnâ cum vita conclufit.

\*\*\*\*\*

### *Blasij Sebaftenfis*

#### *E L O G I U M.*

**B**lafium nemo vidit in terris  
 Quin eruditum putarit in Cælo;  
 Virtutem cum lacte imbibens, cum ætate corroborans,  
 Fecit incertum,  
 An in eo differret à Virtute Natura.  
 Epifcopum agens antequam fieret,  
 Qualis effet futurus edocuit antequam effet.  
 Ex Vrbe, quam fibi fimilem fecerat  
 Digreffus in fyluas,  
 Vt ampliaret animum arctatus in specu,  
 Quadam quali Diuinitate fuâ, feras effecit humanas.  
 Felix, fi quam à feris expulerat feritatem,  
 Geminatam in hominibus non vidiffet.  
 A venatoribus interceptus dum cæleſtia venaretur,  
 Vocatus ad fupplicia, eâ fecuritate perrexit,

Vt

Vt illa se in syluis non effugisse,  
 Sed expectasse doceret.  
 In aquis non secus ac in marmore ambulans,  
 Cùm vitam suam prodigiis tueri posset,  
 Maiori prodigio tradidit, quàm antè seruasset.

*Ioannis Eleemosynarij*

E L O G I U M.

**I**oannes natus in Cypro, educatus in Cælo,  
 Futurus Dei Quæstor in terris  
 Debitum innatæ largitati Patrimonium  
 Cùm nasceretur accepit.  
 Dignâ senio iuuentute transactâ,  
 Sublimitatem ingenij, claritatem virtutis  
 Exuere nolens, tegere nesciens,  
 Quod esse minimum vellet, esse coactus,  
 Ita Alexandrinos excoluit, vt sibi similes faceret,  
 Ita beauit, vt se conscio neminem gemere,  
 Neminem egere permitteret.  
 Plura semper appetens, quo plura daret:  
 Id vnum habere se reputans, quod effudisset,  
 Cùm omnium augeter ararium,  
 Nunquam tamen imminuit suum.  
 Ita profusus in homines,  
 Vt avarus non esset in Deum:  
 Cùm hominibus dedisset omnia,  
 Vitam dedit & Deo,  
 Suis futurus vtilior  
 Si sui tenacior extitisset.

*Ignatij Antiocheni*

*ELOGIUM.*

**I**Gnatus Antiochenus  
 Dignus Ioanne Præceptore discipulus,  
 Quem vincere non sperauerat, æquare studuit.  
 Animo, quàm tempore Christo propinquior,  
 Ita eum expressit, vt se vidisse probaret.  
 Antiochiam sudoribus alluens, flammis incendens,  
 Viuere nesciens nisi vitam omnipium tueretur,  
 Splendoribus suis Tyranno proditus,  
 Ventilari potuit, non extingui.  
 Vt Leonibus Leonem obiiceret Romam vocatus,  
 Non secus ac ad alterius supplicium  
 Properauit ad suum.  
 Illius panis esse percipiens  
 Qui se panem fecerat omnium,  
 Intimo nimis ab igne concoctus,  
 Bestiarum dentibus frangi voluit.  
 Qui homines in Deum incenderat, feras in se ipsum incendens,  
 Nunquam securior quàm cum periret,  
 Mortem metuere nesciens, prouocare non metuens;  
 Non in solo Capitolio triumphari Romæ posse probauit.

*Petri Alexandrini*

*ELOGIUM.*

**P**etri Alexandrini Vitam,  
 Non ideo deteriorem putes,  
 Quod fuerit ignotior morte;  
 Pretiosam enim mortem

Non

Non nisi vitæ meritis emile.

Bo sæculo natus.

In quo si miser esse noller, probus esse non posset.

Ita assuevit ærumnis, vt eas etiam adamaret.

Optimo Antistiti suffectus melior,

Vt Diocletiani furis parem Ægyptus obiceret Ducem,

Ita desudauit in suorum roboranda constantia,

Vt etiam sine Tyranni gladio gloriöse posset obire.

Ita intimus Christo,

Vt eius etiam arcana cognosceret,

Eius tunicam lacerantem Arium vsque aded est detestatus,

Vt se nequiores Ario crederet,

Si Ario pepercisset.

Carceri mancipatus se talem exhibuit,

Quales suos esse voluerat.

Tandem eo felicitatis genere felix,

Quod infeliciores esse vix posset,

Ereptus suppliciis, euolauit in Cælum.

## Polycarpi Smyrnenfis

### ELOGIUM.

**P**olycarpus Smyrnenfium Præceptor, & parens,  
Patriâ, non moribus Asiaticus,

Etiam in Asia fortes nasci, & ali posse probauit.

Christi discipulis ætate cœuus,

Munere succedaneus,

Virtutis, quam collegit ex omnibus.

Se fecit Epitomen.

In hoc mirandus, quod ita omnes vnus expresserit,

Vt dum viueret eorum neminem obisse putares:

In hoc amandus quod se dissimulari esse, quod erat.

Ingenio virtutem illustrans, ingeniumque virtute,

Perditos nouatores moribus damnauit antiquis.

H h



Suam tueri non valens,  
 Suorum incolumitatem negligere nesciens,  
 Tyrannum non metuens, nisi cum minor videretur,  
 Vitam suam moriens clariorem fecit in flamma.

*Epiphani Constantiensis*

*ELOGIUM*

**E** Piphanius urbium bono natus in sylvis,  
 Pecudum Pastor cum esset,  
 Pastor esse meruit Populorum.  
 Cum deteriori fortuna deteriolem exuens sectam,  
 Ex Iudæo & Christianus, & Monachus,  
 Qualis esse deberet inter homines, didicit inter feras.  
 Diu peregrinatus,  
 Ut Christi Patriam veneraretur, & suam,  
 Dum fugeret insulas delatus in Insulam,  
 Frustrâ quærere latebras,  
 Quem Deus latere nolit, edidicit.  
 A Constantiensibus destinatus Antistes  
 Antequam cognitus,  
 Se talem exhibuit, qualem eum esse decebat,  
 Quem Deus, non homines elegissent.  
 Illis placere nesciens  
 Quibus nec in omnibus placeret Deus.  
 Iniurias beneficiis ultus edocuit,  
 Non plura se potuisse patrare, quàm pati.  
 Tandem annorum numerum exæquans meritis,  
 Multiplici tempestate iactatus defecit in Mari.



# PRODROMO IOANNI T V M V L V S:

*Expressus in Aula Domus Probationis Genuensis,  
qua eidem Ioanni sacra est, ornatusque ab Au-  
ditore variis Auditorum suorum carmi-  
nibus, Anno Domini 1642. 29. Augusti.*

## INSCRIPTIO PRIMA.

**D**esiderio vocis  
Muta Paueranensis Facundia  
Verbi vocem implorat.  
Lege, Viator, & tace;  
Silentium exigit Vox sepulta.  
Eam Herode Lupo spectato,  
~~Quidni mundus amiserit?~~  
Echo illius hoc superstes in saxo  
Quid loquatur attende.  
Herodi Epicedia, Christo Epinicia,  
Eucharistica sibi, Parænetica tibi.

## Inscriptio Secunda.

Ex impia Herodis cœna  
Hæc Cœlitibus Analecta supersunt.  
Iure mireris, Viator,  
Ferculum idem Deo, & Herodi placuisse.  
Absit tamen, ut vel hinc putes  
Hh 2

Deo quidquam conuenisse cum impio.  
 Qui non nisi diuifus Herodi placuit,  
 Non, nisi quia integerrimus, placuit Deo.

### *Inscriptio Tertia.*

*Sub Hieroglyphico Agni.*

Agnus eram; mox fregi Aries violentus Olympum;  
 Me Lupa, méque Lupus prodidit; Agnus eram.

### *Inscriptio Quarta.*

*Ad Vrnâ.*

Hic qui Parentis salit in vtero Puer,  
 Ne terræ in vtero clausus in saltus nouos  
 Se se expediret, eguit hoc saxo premi.  
 Prematur? Hominum Maximum Mundo minor  
 Non capiat Vrna. Viator, & tu hunc non capis.

### *Inscriptio Quinta.*

*Et ad Vrnâ,*

*Quam calcatus Herodes, Herodiasque regebant.*

Non iacet hic, qui iacer hic;  
 Excelsos non premeret, si iacêret.  
 Luperum hæc d. coena Ossa  
 Viator superfunt.

Lapis Terminalis, hic est,  
 In quo & Prophetiæ finis,  
 Et Euangelij initia coierunt.  
 Deus exercituum longam mansueturus in pacem,  
 Sagittam electam  
 Saxeâ condit in Pharetrâ.  
 Quiescere volentem ne prouoca;  
 Adhuc cum hoc sua telo est Dei manus.

*Inscriptio*

*Inscriptio Sexta.*

Quæsiturus quem amiserat Mundum Deus  
 Hanc Lucernam accenderat.  
 Præluxerat illa Viatori,  
 Et quia ardens spinas absumpserat,  
 Et quia lucens errores auerterat;  
 Facto tamen iam Die  
 Quis ultra esset Lucernæ usus?  
 Filij tenebrarum extincta flagitio,  
 Oleo adhuc redundans,  
 Vtpote in Dei, non in fatuæ Virginis manu,  
 Hoc in saxo supremum Orbis incendium,  
 Ad quod iterum accendatur,  
 Expectat.

*Inscriptio Septima.*

Orto, & adulto iam Sole  
 Phosphorus irruit in Occasum.  
 Intolerabilis Mundo calamitas,  
 Nisi quod, maioris exuberantia luminis,  
 Minoris aduerti detrimenta non finit.  
 Nouæ dici decretus Aurora,  
 Gaudia, quæ attulerat oriens,  
~~Solus non abstinere mox discedens.~~  
 Vel hinc dignus præfici Cælo quæstor,  
 Qui semel data non repetat,  
 Et Diuitias Diuinæ Bonitatis promittens postremus  
 Ostendit Primus.

# ELOGIA QVINDECIM

*Eidem affixa Tumulo, Quibus vita, & res geste  
eiusdem Sanctissimi Prodromi laudabantur.*

## ELOGIVM PRIMVM

*Patri inter aras promittitur.*

**M** Irari volueram,  
Si concepta silentio Vox  
In alio, quam in Diuinissimo Verbo,  
Desineret.  
Pythagoras Deus non est;  
Voces tamen suas  
Solis tacentibus fudit.  
Atque ita Vox Diuina non incipit,  
Nisi cum humana iam cessat.  
Zachariæ facundiam ligat  
Sterilitatis solutio.  
Punitur ipsamet magnitudine præmij sui,  
Felicior, quam aut velit credere,  
Aut possit dicere.  
Ne quid sinistrum metuat  
Angelus dedocet stans à dextris.  
Adhuc tamen, merenti similis stupet,  
Qui non tam quid acciperet,  
Quàm quid pro eo redderet, cogitaret.  
Et tu, Viator, si sapias  
De reperundis accusatus ne pereas,  
Dei liberalitatem quandoque plus metues,  
Quàm furorem:  
Hic paucos facit mileros, illa penè omnes ingratos.

ELOGIVM

## ELOGIVM SECVNDVM.

*A sterili Matre concipitur.*

Diuturnæ probrum sterilitatis  
Abolere fecunditas quæcunque non potest.

A senij puerperio

Aut maturos foetus Mundus expectat,

Aut nullos.

Primicerium Gratix, ne quis Naturæ deberet,

Quo ad vsque dare Natura potuit,

Distulit Deus.

Tantam felicitatem decuit

Patientiâ breuiore non emi.

~~Procellas plane~~

Tam in virtutibus, quàm in diebus Elizabeth,

Quæ ignominiam vteri sui

Sine querela toleraret,

Cur tamen illi vellet Primogeniti laudem periisse,

Cui prima omnia debebantur?

Ioanni vniuersa non dederat,

Si fratrem addere potuisset.

Et tu Viator, res tuas

Pondere potius metire, quàm numero.

Negaueris singularia, quæ plura iactaueris.

## ELOGIVM TERTIVM.

*Matris in Vtero exultat.*

Matris Vocem

Sine viscerum commotione quis audiat?

Potens in Verbo

Salutem Cognatæ dicit, & facit.

Mirari Elizabeth desit

Excussisse illam Deo misericordiæ Viscera,

Cum ita concussisse notauit sua.

Trepidat ad accessum Iudicis reus Puer,  
 Mox absolutus vinculis Adæ  
 In libertatis experientiam saltat.  
 Felix cui nec Matris, nec Herodis ergastula  
 Adimere exultationem potuerunt.  
 Erudiuntur in summam Urbanitatem Montana;  
 Personato in serui forma Domino  
 Infans, vel inclusus, assurgit,  
 Et Matris vterum in theatri vsus conuertens  
 Festos de se ipso dat ludos.  
 Qualem cum Gigantem credam  
 Qui saltu vnico Naturæ fines egressus  
 Extremas Gratix attigit metas!  
 Adesse salutem cui primum, quàm Matri  
 Gratus filius nunciaret?  
 Otia, Viator, prohibet Deus præsens.  
 Ioannes excitatus est, ut præiret,  
 Tu excitandus es, ut sequaris.

#### ELOGIVM QVARTVM.

*Ingenti Mundi gaudio nascitur.*

Boni Maioris desiderium  
 Impatientiam Minoris inducit.  
 Vbi Mariam sperare Obstetricem potuit,  
 Tam sancti desiderio gremij,  
 Penè se Matris excussit ex vtero Propheta Puer.  
 Puerum si dixi, non dicam Paruulum,  
 Vel cum enim esse vix cœperat,  
 Iam coram Domino magnus erat.  
 Antiqua Mulier, & Nova Mater,  
 Enititur in vno factu plura prodigia.  
 Gaudij magnitudinem Domus vna non capit;  
 In vicina non solum redundat loca,  
 Sed & in remotissima sæcula.  
 Solutâ ne quidem linguâ loqueretur Zacharias,

Cui

Cui paria gaudio non suppeterent verba,  
 Nomine suo vocari non patitur,  
 Mendacium exhorrescens  
 Si se Maiorem diceret parem sibi.  
 Agit Dei Amanuenssem, qui minus potest interpretem,  
 Et dictata excipiens  
 Ioannem ideo solum talem dicendum enūciat,  
 Quod vel antequàm dicatur, iam talis sit.  
 Violenti, Viator, rapere Cælum incipiant,  
 Quando in Ioanne non vnicus Dei digitus,  
 Sed tota Dei Manus  
 In Cæli expugnationem iam pugnat.

### ELOGIVM QVINTVM.

*Puer in eremum secedit.*

Quem Deus crudele voluerit  
 Sub homine non tolerat præceptore.  
 Ioannis origo vix quidquam debet Naturæ;  
 Educatio debet omnia Gratiz.  
 Homo missus à Deo  
 Humana vniuersa dimittens  
 Urbium vitia non quia nouerat fugit,  
 Sed ne agnosceret declinavit.  
 Septenni Athenæum Eremita statuitur,  
 Ibi omnis illi Encyclopædia  
 Deum agnoscere, & se ipsum.  
 Quid audiret ab hominibus  
 Quod super homines eminens non vidisset.  
 Cælo ipso celsior animus  
 Incapax alio tecto, quàm Cælo regi,  
 Cogitur in camporum aperta migrare.  
 Auerfatur Parentum blanditias  
 Præmissus Christi Calici Pocillator;  
 Camelorum pellem induitur  
 Qui suam propemodum exuisset.



Et ipsomet Cilicio suo asperior sibi,  
 Sexcentis vitæ difficultatibus oneratur.  
 Cultura sui deserta nobilitans,  
 Annorum fugam ita cursu virtutis præuertit,  
 Ut senium quod adultus non poterit,  
 Viuat Puer.

Assuesce duris qui Cælum cogitas;  
 Longum, & arduum iter  
 Delicatos non tolerat Viatores.  
 Agni cœna posita ieiunis est,  
 Felicitatis Patria seposita miseris,  
 Æterna requies apposita fatigatis.

### ELOGIVM. SEXTVM.

#### *Vrbes attrahit in Eremum.*

Planè Virtus nunquam minùs sola est,  
 Quàm cum sola.  
 Oderit licet illa frequentiam,  
 Eam ubi non inuenit facit.  
 Magnes hæc Populorum  
 Probos trahit in admirationem,  
 Improbos in censuram.  
 Pupugit Mundum Cilicium Ioannis;  
 Eo excitatus itinera salutis ingreditur,  
 Et Præcursori eursor adhærens,  
 Etsi non speret assequi, non cessat sequi.  
 Paratur Christi piscatoribus in aquis præda;  
 Lauantium multitudine Iordanis prope retrorsum conuertitur,  
 Et adiutus lugentium lacrymis  
 Peccatorum naufragio decoratur.  
 Disponit homines in Athleticam Deus;  
 A Ioanne nudatis superueniet ipse cum oleo,  
 Ettotum Cælum in præmium statuens  
 Totam terram aperiet in Orchestram.  
 Melle pastus, accerbitatem argumenti

Sapore

Saporem condit Eloquij;  
 Auditur à reis maiori fame qui arguit  
 Quàm alius quispiam qui laudaret.  
 Veritatem vulgo quid tegitis,  
 Qui eam plus æquo verbis ornatis?  
 Pessimè de illa sentire vos credite,  
 Quam diffiditis nudam posse placere.

## ELOGIUM SEPTIMUM.

*Penitentia fructus dum facit colligit:*

Extra frequentiam exeat,  
 Qui velit Dei vocem audire.  
 Clamat illa, sed in deserto;  
 Tam audire volentibus utilis,  
 Quàm nolentibus non molesta.  
 An non in feras planè degenerauerint homines,  
 Qui & à Christo in stabulo,  
 Et à Ioanne quæri debuerint in Eremito?  
 Orpheus Palæstinus trahit ad se omnia,  
 Dum verbis facta connectens,  
 In catenam se totum torquet.  
 Christum non tam voce, quàm manu indicans,  
 Et fontes increpans etiam cum taceret,  
 Genimina Viperarum Magus salutaris excantat;  
 Atque ita serpentum osori Deo  
 Viam præparat.  
 Eius plura miracula ne require;  
 Verus Deucalion  
 Reparare genus humanum potuerit,  
 Qui de lapidibus filios Abrahamæ suscitavit.  
 Dissuadere qui Phariseis iactantiam,  
 Furorem militibus,  
 Avaritiam Publicanis potuerit,  
 Is credi debeat cætera omnia potuisse.  
 Reddite superi Vocem suam Veritati;

Aut illam vltra si telluri non fidentis,  
Eius necessitatem mundo minuite.

## ELOGIVM OCTAVVM.

*Pharisaorum Legatos eludit.*

Felix Virtus

Si pro admiratorum numero amatores haberet.

Vera bona

Omnes videri volunt quærere,  
Cum paucissimi studeant inuenire.

Pharisaorum improbitas Christo ne occurrat,

Quia illum habet in Urbibus,

In Eremo vestigat.

Agnoscit personatam officio

Deceptionem Ioannes;

Videt se quod est negligi,

Quod non est fingi.

Ne Ioannes esse desinat

Dici Christus recusat.

Negat se Eliam, qui tot parceret Pseudoprophetis;

Negat & se Prophetam

Qui quæ cæteri implenda prædixerant

Iam impleta narraret.

Negat se quidquam aliud quam Vocem esse

Qui mutum in se nihil agnosceret,

Cum & declamaret in delicatos Cilicio;

In Helluones ieiunio,

Et ipsomet silentio, in loquaces.

Disce, Viator,

Qualiter adulatorem excipias;

Non perseuerabis esse quod es,

Si maior volueris audire

Quam es.

## ELOGIVM

## ELOGIVM NONVM

*Christum abluit in Iordane.*

Tam non amicus, quàm non capax sordium Deus est;

Vbi tamen sordes ablouuntur

Quodam quasi beneficio illectus accurrit.

Deponant in Iordane peccata homines,

Vt ea tollat, eò illicò festinat Christus.

Habet ille ardores quos mitiget,

Qui non habet sordes, quas lauet.

Nouam hanc eruditionem nostræ Nequitiae  
Horret Ioannes quasi diuinæ iniuriam innocentiae.

Additissimus veritati;

Ne Deus quidem velit videri,

Quod prorsus esse non potest.

Cogitur tamen eius magis attendere præcepta,

Quàm merita.

Aperit Cælum obsequio;

Et est planè spectaculum Cælo dignum;

Quoties de sola est demissione contentio.

Arcanò diluuiò finis imminet,

Ex quo ex Arcæ suæ fenestra Deus Columbam emittit.

In tertis non susteret purissimum animal,

Nisi extra cadauera figere pedem posset.

Quando ad irruptiones iam Cælum patet,

Desidem; Viator, te nolo.

Scalas tamen qui postulas ad ascensum.

Id velim scias;

Cæli viam descensione magis,

Quàm ascensione constare.

## ELOGIVM DECIMVM

*A Christo laudatur.*

Facundissimus Deus vt sit.

In sterili argumento fingit Harpocratem.

Auxesim ignorat tam bonus Rhetor;  
 Facere res maiores quàm sint potest,  
 Non potest dicere  
 In Prodromi sui laudes excurrrens,  
 Dum maiorem dicit omnibus,  
 Non ideo efficit parem sibi.  
 A quo tamen melius vox,  
 Quàm à Verbo lauderetur?  
 Aut quid iustius, quàm vt omnia accipiat  
 A Deo præconia,  
 Qui omnia ab hominibus recusasset?  
 Negatur arundo  
 Qui ruenti regendo mundo par esset;  
 Negatur & vento agitari,  
 Cui ( Lucerna cum esset)  
 Torum penè erat à vento periculum.  
 Propheta describitur  
 Qui vel sub Materni cortina vteri,  
 Quæ voce nondum Oracula poterat,  
 Saltibus edidisset;  
 Immo & plus quàm Propheta,  
 Qui Prophetiam Euangelio copulasset,  
 Et illum ipsum quem promitteret  
 Indigitare populis posset.  
 Veras laudes Viator, vt habeas,  
 Mendaces ne cura,  
 Harum negligentia  
 Verum illarum pretium est.

# ELOGIUM VNDECIMVM.

*Monitis salutaribus Herodem irritat.*

Monitorem fidelem  
 Nisi sylux dent, aulæ non habent.  
 Herodem Herodi nemo describat,  
 Nisi qui Cilicio asper

Palpare

Palpare quempiam tam non vult, quàm non potest.

Cui parcat ex populo Princeps,

Qui ita iniurius Fratri est?

Sedet in folio Magister nequitiae,

Vbi stare vindex innocentiae debuisset;

Et Rex non melior, quàm Maritus,

Omnia in se ipso coronat scelera.

Tacent in aula qui timent,

Tacent qui sperant;

Si qui loquuntur,

Improbritatem, quam æmulantur, honestant:

Ingratos se rati,

Si regem, à quo excusantur, accusent.

Qui castitatis cultor in sylvas abierat,

Castitatis ultor è sylvis egressus,

Vocem illi se commodans

Durum regibus verbum occinit, *Non licere.*

Herodiadi tamen Rex attentior, quàm Ioanni,

Innocentissimam libertatem

Carcere punit.

Fuge Viator, ex aula,

In qua veritas in vinculis est

Cæcus ibi mutusque ni fueris, periisti.

## ELOGIVM DVODECIMVM.

### *In vincula Coniicitur.*

Voci suæ caueat Deus,

Eam illi homines auerent includere.

Hinc arctatur Ioannes in vincula,

Qui alienæ seuerus Vltor iniuriæ,

Diffimulator egregius suæ,

In eo possit plus quàm Propheta videri,

Quod seruum libidinis Regem,

Vel si non speret corrigere,

Castigare non dubitet.

In vias rectas omnem dirigens prauitatem

Quidni Genimina Viperarum

Tortuosos amantia semper incessus

Offenderet

Locustis, & molle pastus syluestri

Aulæ palato dulcis esse qui posset

In spiritu Eliæ non venerat

Si nouæ pacatus esse potuerat Iezabeli.

Haber emissarius Veritatis

Quas declamet in Herodem Philippicas;

Quamdū non cessant crimina

A censura non cessat.

Cū pedum libertatem illi carcer imminuerit

Non sermonum.

Perditorum ingenta Viator, attende;

Quasi crimen euaderent ludice trucidato,

Assumunt in excusationem libidinis

Parricidium;

Quod si differat, quia timetur populus,

Fiet, quia non timetur & Deus.

## ELOGIUM DECIMVM TERTIVM.

*Saltatricula scelere trucidatur.*

Affines suis semper initis fines sunt.

~~Vitam a choreis aspiciat~~

Eandem perdidit in chorea.

Nulla dies magis funesta virtuti,

Quam quæ nequitix natalis est.

Diuina Beneficia

Solemni maleficio recordatur Herodes;

Vocat Galileæ Principes

Non tam conuiuij socios;

Quam testes flagitij.

Replicatur in Puella Matris improbitas,

Et malens diuidi Ioannem, quam regnum,

Inocentissimum

Innocentissimum caput  
 Nocentissimis pedibus exigit in mercedem.  
 Quid aliud impudicitia posceret  
 Quàm interitum Castitatis?  
 Qui sicram, merumque non biberet  
 A quibus magis quàm ab ebriis damnaretur?  
 Circe venefica mentem vertit in Caucam;  
 Fit conuiuium belluarum, quod erat hominum;  
 Cessat vini sitis, incipit sanguinis;  
 Conceptam inter aras victimam  
 Lictor immolat, non Sacerdos;  
 Illi vulnus ipsum corona est.  
 Occidi se non posse vox probat;  
 Sectis amplificata faucibus,  
 Quem non correxit adulterum;  
 Infectatur acerbius homicidam.  
 Ferali è cœna, Viator, te proripe;  
 Extincta Lucerna est;  
 Iam nihil hîc luce dignum expecta.

# ELOGIVM DECIMVM QVARTVM.

*Caput eius Conuiniis in disco sistitur.*

Nunquam bene eligas, qui male diligit.  
 Sapere quis dubitasset Puellam  
 Quæ Ioannem regni dimidio prætulisset?  
 Planè pretiosior regno quocunque Ioannes.  
 En tamen illico inconsulta Mercatrix  
 Muneris sui pretium destruit,  
 Dum illud non poscit ut habeat,  
 Sed ut perdat.  
 Ioannem non vult integrum  
 Quæ regnum diuisum nouerat,  
 Cedit bustum carceri,  
 Solum caput vendicat sibi.  
 Et egebat illa planè capite



Cui omne ingenium fluxisset in pedes.

Cum hoc mutare suum si poterat,

Prohibere leuitati suæ poterat

Facultatem saltandi.

Tua nubat, ô Herodias,

Hac dote Filia;

Atque ut nubat pari, nubat Carnifici.

Pudicus esto, Viator,

Ne sis crudelis;

Filias de Matribus æstima;

Castam adultera si pariat,

Monstrum esto.

# ELOGIUM DECIMUMQUINTUM.

*Sanctissimis eius Cineribus Genue sepultis  
Epitaphium.*

Tenuem thesaurum ne puta,

Cui custodiendo tam multa lumina vigilant.

Mors, quæ triumphat omnia,

Trophæum nusquam habet augustius eq,

Quod his eminet in columnis.

Superbit illa nusquam nobiliore captiuo,

Quia inter natos mulierum

Maior Ioanne ut non surrexit,

Ita nec cecidit.

Non erat ille quidem Lux, sed Lucernæ;

Hoc ipsum tamen ut credi posset

Extingui debuit.

Homo redolens per omnia solum Cælum;

Quandiu suam non est solutus in terram,

Visus non est è terra concretis.

Clamat nihilominus hac ipsa de terra vox Verbi;

Et quia Vox Domini super aquas,

Vel ipsam maris sordiditatem sollicitat.

Qui Pœnitentiam olim prædicauit in Cilicio,

III

Eamdem

Eandem nunc suadet in Cinere,  
 Quo vel ipsi fluctus conspersi,  
 Illico resipiscantium modestiam induunt.  
 Procacibus auris ludibrium  
 Vnus hic pulvis non est,  
 Ex quo vere dici iam potest,  
 Non Apum solum, sed & ventorum dissidia  
 Pulveris exigui iactu composita quiescere.  
 Peccatori Pelago Dei metum insinuat  
 Solus tam prohi Viri conspectus.  
 Ac si suum Christus  
 Semper sequi Prodromum debeat,  
 Ioanne spectato,  
 Quasi iam Christus adsit,  
 Perterrita elementa torpescunt.  
 Agnosce Pacis tuæ, Liguria, veram causam.  
 Diuinæ in te charitatis ignem fouent hi Cineres;  
 Excitari non finit in tellure vefanos motus,  
 Qui eosdem excitatos compescit in mari.  
 Vtere sorte tua, Viator,  
 Et à Thesauro,  
 Qui in ditissimo populo habetur maximus;  
 Lucri vacuus ne recede.  
 Huc si procellam attulisti, refer malaciam,  
 Ne Ioannis miracula minuas,  
 Si deprehendatur in vrbe sua  
 Posse fluctibus quietem præcipere,  
 Non posse Ciuibus.

F I N I S.

---

MVTIVS VITELLESQVS SOCIETATIS IESV  
*Præpositus Generalis.*

**C**VM *Inscriptiones, Elogia, & Epitaphia* P. ALOYSII IVGLARIS nostræ Societatis Sacerdotis, aliquot eiusdem Societatis Theologi recognouerint, & in lucem ediposse probauerint, facultatem concedimus, vt typis mandentur, si ijs, ad quos pertinet ita videbitur, Datum Romæ 10. Septembris 1643.

MVTIVS VITELLESQVS.


*Imprimatur. Vic. Gen. S. Officii Gen.*

---

*Facultas R. P. Provincialis Societatis IESV in Prouincia Lugdunensi.*

**A**ntonius Millieus Prouincialis Societatis IESV in Prouincia Lugdunensi, iuxta Priuilegium eidem Societati à Regibus Christianissimis Henrico III. 10. Maij 1583. Henrico IV. 20. Decemb. 1606. & Ludouico XIII. 14. Februarij 1611. concessum, quo Bibliopolis omnibus prohibetur ne libros ab eiusdem Societatis hominibus compositos absque Superiorum permissione imprimant, Permittit GVILIELMO BARBIER Typographo Regio vt librum cui inscriptio est *Inscriptiones, Epitaphia, & Elogia ALOYSII IVGLARIS Societatis IESV* ad sex proximos Annos imprimere ac liberè diuendere possit. Datum Lugduni 31. Augusti 1645.

ANTONIVS MILLIEVS.



**L**E n'empesche que le Liure intitulé *Inscriptiones, Epitaphia, & Elogia* ALOYSII IVGLARIS Societatis IESV soit imprimé & mis en lumiere par GVILLAYNE BARBIER Imprimeur ordinaire du Roy, avec defences à tous autres en tel cas requises. Faict ce 30. Aoust 1645.

LORIN.

**S**Oit fait suiuant les conclusions du Procureur du Roy. Faict ce 30. Aoust 1645.

SEVE.







